


荆州萬城隍志

卷末

地 728
2764
部 = 16



荊州萬城隄志卷末

志餘



荆屬七邑有隄者六江陵北岸垵堤襄水在左沮漳在右實為大隄堂奧故每屆歲修酌畝費令縣官派土攤征由府委員襄辦此外各屬隄塍類皆官督民修似與大隄無涉然既守此土其為民事則一也歲修則委員估計工竣則委員驗收一或不慎蕩析離居皆吾赤子故附載各屬民隄其奏疏公牘或專論荆隄或統論江漢水利無類可分而實與隄務有關係者錄以備攷要皆正編之緒餘

荊州萬城隄志

卷末

志餘

一

耳

目錄

荆屬民隄

疏築備攷

荊州萬城隍志卷末

志餘

荆屬民隄上

江陵南岸大隄○上自上古牆起至王家湖止共十六工長九千二百六十八丈○虎渡口西岸支隄自麻家隄起至崔家工止抵公安界共六工長三十二丈○東岸支隄自王家垸起至梁家隄止抵公安界共七二長四千一百九十丈○江南大隄接虎渡口自石家廟起至王家淵止抵公安界共十二工長五千八百二十丈又荆左衛隄在江南大隄界內白廟兒隄一工長六十六丈六尺六寸荆右衛白廟兒隄一工長六十六丈六尺以上江南隄共長二萬二千四百三十一丈二尺六寸

荊州萬城隍志

卷末

志餘

荆屬民隄上

一

江南月隄○西岸上古牆月隄長三百八十丈○中古牆月隄長一百六十四丈○下古牆月隄長六十丈○六節工月隄長六十五丈○周家垸月隄長五十丈○東岸曲老灣月隄長一百四十丈○東嶽廟月隄長一百七十丈○白廟兒月隄長一百七十丈又於乾隆五年挽築七十二丈十六年挽築九十一丈十八年挽築七十一丈○接官廳月隄長一百七十五丈江陵防襄隄○自城東草市沙橋門起頭工至十一工陳子頭

止乾隆七年山襄二水並發瀰漫隄面八年加高隄膝尺餘二十
十年九月荆宜施道來謙鳴知府葉仰高知縣李豫相度隄膝
於單薄危險處各加撐幫又加高二尺面寬一丈五尺至次年
四月畢工○關沮口諸倪崗二處乾隆二十年六月山襄水漲
決口今堵築加修高厚○龔家垸等十六垸接連襄隄長四十
餘里歷係垸民自修乾隆二十年春夏霖雨水漲先後漫決龔
家廣谷穆家等垸遂於是年十二月修築至次年四月畢工
襄隄弊端論○漢水自圻口入江陵界西灌草市南逕白鷺湖
枝分流曲兩岸設隄以禦稍或不堅厥害甚巨但逆流而上非

荆州萬城隄志

卷末

志餘

荆屬民隄上

二

岷江之勢如建瓴者比東南百餘里大小百數十垸其地既廣
其勢亦分此隄不官修而屬之民也垸各有總有夫立法久矣
然力有強弱地有遠近厥弊非一強者不親身赴隄捐微貲以
付佃民佃疲無能爲役黠則藉以自肥其弊一遠者地處高阜
謂災非切近不赴隄亦不捐貲近者人少力微難以堅修其弊
二至垸總之設非同於江隄之隄老圩甲逐年更易每總一姓
爲之若世及然築時通垸歛費多至數百金少亦百餘金或草
率完工徒飾耳目夏秋泛漲仍催垸民搶築全則貪天爲功潰
卽委以費用不支弊更深於隄老圩甲詎知力彊則田多隄決

被害尤甚遠則水小倖全洪潦亦汪洋無垠此數十年來均歸於瘠苦皆董率玩事者之咎也近日白苕葫蘆兩垸力挽其弊歲稔通垸合修不計強弱不分遠近不專任垸總分段計畝派夫富者捐貲貧者出力各舉一老成人督之彼此糾察浮薄處眾共罰之令及時培補不闕時而隄塍屹立矣乾隆戊申大災江漢合流下鄉田禾盡付波臣惟兩垸卒保無虞孟家永豐二垸恃白苕爲保障亦未被災人定勝天其信然耶

俞明府稟覆陰直襄隄辦法○查卑縣南岸東西江支各隄並北岸草市襄隄暨直路河陰湘城各隄均民修自衛之工向遇

荊州萬城隄志

卷末

志餘 荆屬民隄上

三

潰口歲修工由官爲勘估造冊土由官爲攤派造券一面飭令上屆局首監修會同紳耆舉報附近隄塍殷實公正熟諳隄務者並由官爲親點下屆局監承領冊券各按估定工段興修各照派定土方自收不但不假手書役卽地方官亦祇隨時督催工竣驗收並不經管土費地方官明知浮估濫派於己無益何肯偏護局監而蹈浮濫之名惟土費不能先期收獲必須局監預爲籌墊俟開工後陸續催收其中有因困苦力難完足者有因刁玩抗不繳齊者該局監等近隄居住斷不以費不敷用稍事偷減自貽伊戚故每屆局監恆多賠累此局監必僉殷實者

充當之原委也局監以外並無滾單名色歷屆工程亦無偷底諸弊又查卑縣北岸草市襄隄並直路河隄係防禦襄江分流之水陰湘城隄係防禦沮漳河泛溢之水均尙無極險工程歲加修防足資保衛惟南岸東西江各支隄旋修旋潰無歲不有水患蓋因來源較從前更旺江身較從前更淤用有限之人力而與涵湧川水爭勝故江隄每歲潰漫若添築遙隄以防近隄之矧蟄拋棄石磯以敵掃灣之衝激是誠事出萬全亟應籌辦惟近年來接遭災歉民困已極派土旣力有不逮勸捐又勢所不能且庫藏支絀閑款亦無多餘雖欲求分別緩急次第辦理

荊州萬城隄志

卷末

志餘

荆屬民隄上

四

無奈經費甚鉅不敢遽然妄請至東西支隄前者虎渡口門僅三十丈入流細小隄尙可保自道光二十二年放寬以後口大腹小以數百丈大江之狂流駭浪灌注於數十丈之支河水以河窄而難容隄以水壅而易潰是又非遙隄石磯所能保護者卑職曾擬將支河口門收窄稟蒙撫憲批行憲台勘議稟覆飭於秋後通盤籌畫經費詳辦詎夏汛泛漲西支隄王家湖被公安縣隄潰扯崩成口下游各州縣業民亦均被水荒致前議未能舉辦現在卑縣南北兩岸歲工由卑職分別籌項派土修理其南岸月工已稟求借款挽築請俟籌備有款江隄則添遙隄

並砌石磯支隄則收口門以束水勢庶辦理從容不致掣肘咸豐

元年

莊觀察飭襄隄改歸江陵縣辦理示○案奉撫部院胡札開據沙市局紳馬超萬徐廷瑜劉昌亭余佐潤嚴步高劉愷典秦述先胡承恩等稟稱草市襄隄改歸設局公舉局首監修積久弊生每屆一二地棍溷充漁利飛灾嚇詐草率完工等情飭經前陞道議以咸豐八年爲始由縣親手估派遴選親屬幕友專司征收支發監修責成汛員督催勒令依限完竣一俟工竣之日卽由道親詣驗收永遠不准舉派紳士保充局首亦不許假手

荊州萬城隄志

卷末

志餘 荆屬民隄上

五

胥役浮派滋弊詳咨院司應飭江陵縣示禁在案茲據該紳馬超萬等具稟前來本道查襄隄爲四十大垸田廬保障最關緊要旣經前升道定議歸縣收費經修自應給示勒石永杜弊端除稟批示報明兩院憲暨咨藩司立案仍札飭荊州府江陵縣一體遵辦外爲此示仰闔邑紳民人等知悉嗣後襄堤修防事宜改由江陵縣一手經理所派土費該保甲按十日一次鳴鑼催輸該紳民糧戶應出土費務各激發天良及早赴局自行完納截券如有刁抗由縣拏究追繳總期春汛以前一律修竣以禦汎漲不准再派紳士保充局首亦不許假手胥役浮派滋

弊自示之後倘敢不遵一經訪聞或被告發定卽嚴拿懲辦決
不姑寬各宜凜遵毋違特示

咸豐八年

郭中丞奏覆毛楊尖疏○竊准都察院咨開同治七年九月十
四日內閣奉

上諭都察院奏據湖北民人劉兆棠以隄潰
不修等情赴該衙門呈訴前因湖北民人葉華品呈控隄潰停
脩全境被害等情當經降旨交該督撫體查情形妥籌辦理茲
據該民人劉照棠呈控江陵隄工日久仍未修理民命攸關豈
可任意延宕著該省督撫飭屬勘明趕緊興辦無再玩悞民人
劉照棠該部照例解往備質欽此當經臣郭柏蔭欽遵飭委武

荊州萬城隄志

卷末

志餘

荊州民隄上

六

昌府知府黃昌輔訊據劉照棠供稱因公安地勢低窪全賴江
陵隄陞保衛同治五年奉飭地方官籌款修築毛楊二尖潰隄
六年二月興工甫經修竣卽被汎漲漫潰闔縣業民難以安身
是以赴京呈控惟求籌費修築毛楊尖隄潰口等語詳經批飭
將該民人保釋一面行司遴委候補知府方大澍馳赴荊州會
同該管道府督飭江陵公安等縣確切勘估該隄工程如何籌
費興修繪圖貼說據實詳辦茲據委員方大澍等會稟督飭該
縣官紳齊集毛楊二尖隄所逐一查勘似宜在該隄潰口之內
退挽月隄一道計長一千四百一十五丈估土二千七萬四千

九百餘方所有翻沙土價礮工等項撙節估計約需錢十五萬串文惟修築隄塍宜於秋冬水涸此隄工程浩大段落綿長現漲前來不能告竣徒耗經費無益於事應緩至秋後興築庶可一氣呵成免致貽悞此係就現在情形而論若本年三汛之後高處衝低低處淤高變遷不定事所必有仍俟興工時再行逐細勘估辦理並繪圖稟送由布政使按察使漢黃德道核明具詳請奏_臣等伏查江陵縣隄塍爲公安等縣田廬保障前因汎漲漫潰成口以致地方屢遭水患旣據該委員會同荊州府道

荊州萬城隄志

卷末

志餘

荊屬民隄上

七

查勘擬在該隄潰口內退挽月隄一道約需土工錢十五萬串文自應趕緊籌費興修惟是修隄宜在秋冬夯築方能堅實現在節交春令爲時已遲轉瞬桃汛卽臨而工程浩大勢難尅期蒞事若孟浪開工設遇汎漲必致半途而廢自應如該委員等所請緩俟本年三汛後再行確切勘估趕於秋後籌款興辦以期脩築堅固一勞永逸庶於國賦民生兩有裨益

同治八年二月

會勘毛楊尖潰口工程稟○案奉憲台札開前准藩司咨

奉督憲札准陝甘爵督部堂左咨據湖南武陵縣生員王

文嵐等呈請籌修荊州南岸毛家尖等處江隄潰口等情

行道移會湖南岳常澧道會勘籌議詳辦等因當經行府
並咨會岳常澧道訂期會勘在案茲准岳常澧道覆知擬
先委澧州前往查勘合行札委該府即便遵照一俟澧州
來荆卽行會同該州前往毛家尖等處詳細勘估妥爲籌
議稟覆以憑本道會商湖南岳常澧道親詣覆勘詳辦等
因卑府遵卽函致澧州黃牧來荆訂期會勘卑府先於十
一月二十八日帶領工書弓正渡江相度地勢其楊家尖
潰隄早已崩入江內惟同治六年所挽新月隄尙存其毛
家尖潰口近年淤墊大半上年江陵陳令公安周令擬就

荊州萬城隄志

卷末

志餘

荆屬民隄上

八

老廢隄上搭腦接連新廢隄下搭腦挽築估工三百餘丈
但該處現係崩岸成功雖易保固實難查照八年原估之
退挽大月形式自上古牆老隄起牽至百子庵後西隄止
計長一千三百二十丈需土一十八萬八千餘方卽武陵
生員王文嵐等詞稱十五萬串之工也需費甚大爾時口
門內外水深丈尺不等不能不退至高阜卑府裁度取中
擬就上搭腦廢隄起至楊家尖新月隄中段止計長七百
四十丈約需土一十三萬五千三百八十餘方計費五萬
一千餘串西支隄尙有潰口四處必須修挽月隄且南隄

十四年未修所有低矮單薄及迭年洗刷之處皆應撐幫加高補築尙未估計不在此數次日會同黃牧覆勘意見相同伏思該隄上接松滋下臨虎渡江陵境內占地無多本年松滋之龐家灣一帶連潰四口黃家鋪一口長約二百餘丈深與江通卑府親往勘驗現在口門積水尙深丈許此口不築春水方生卽行灌注下游州縣依然巨浸毛家尖築亦無益虎渡係南岸洩水故道近因毛尖潰口奪溜停沙冬月卽涸幾與地平水失故道縱使上游潰口一律築成大汎一到循隄直下勢必仍趨潰口與新工爭路

荊州萬城隄志

卷末

志餘 荊屬民隄上

九

能否相敵尙無把握是虎渡之通塞又荆隄南北一大關鍵也至興工必先籌費江陵南岸被淹以後久未開徵松滋自有要工不暇兼顧公安本年全境成災更難攤派同治六年該三縣修築毛楊尖借撥釐金錢萬串至今屢奉藩憲嚴札催追茫無以應南省受益州縣雖有義幫然向年不過五分之一耳謹就會勘情形估計大數繪圖貼說恭呈憲鑒應否仍由大人親詣覆勘抑或轉詳督憲遴派熟悉工務之員來荆覆勘籌費興修是爲德便

同治十三年三月

俞明府公安水利隄防記○江水自江陵尹家場入境下至石

首楊林工長百二十餘里上有虎渡支河分洩江流公安之隄完固則下游之石首安鄉華容俱受其福江陵松滋之隄不戒則公安先受其災沿隄險工林立防護維艱自涂家港起至沙隄埠止大隄四十餘里卑矮殘缺未修所賴申梓平灘柳子三洲民隄爲護然亦單薄可慮至西湖廟石工興隆工高李么埧岸逼近大河灣單薄其明險又不待言矣

江隄則有呂江口○上灌洋○下灌洋○毛家港○杜揚劉○蔡尹工○許劉周○西湖廟○右衛白家灣軍隄○正衛雷四灣軍隄○田家灣○正衛雙石碑軍隄○林家洲○黃家灣○

荆州萬城隄志

卷末

志餘 荆屬民隄上

十

窑頭鋪○興隆工○王家洲○楊公隄○東壁橋○高李么○朱家灣○龐楊林○陳三公○長濠隄○何家潭○涂家巷○凡二十六工

以下大隄自道光庚寅辛卯兩年大水洗刷太甚工程浩大不能加修賴有申梓平灘柳子三洲民隄爲保障

又有沙隄鋪○張楊工○張詹李○石首正衛軍隄○公屬右衛軍隄下接石首界楊林工凡六工

白涂家巷至沙隄埠大隄殘缺未修者則有張朝慶○右衛鄭家潭○羅楊黃○清溪口○陳張何陳四姓爲名○周陳黃○黃廟

祠○周張邱○葉胡林凡九工

自呂江口起至石首界止共長二萬二千六百六十六丈五尺計百二十里

西支隄則有李家口○龍秉習○朱詳治○魯田龍○田羅陳○響水灣○毛公壩○高家汊凡八工共長八千三百六十丈計四十六里

東支堤則有沙河口○文蔡祥○王徐張○吳胡隄○寺李大○潘家壩○杜家到○蕭三口○黑狗壩○鄧家榨凡十工共長八千五百四十丈計四十七里

荊州萬城隄志

卷末

志餘

荊屬民隄上

七

石首縣水利隄防記○江水自公安新開鋪入境歷楊林煙堆馬林响嘴楊樹各工而至縣城北趨至監利之壺瓶滄止古有柳子口楊林穴小岳穴宋穴調絃穴以洩盛漲今故道盡墮止存調絃一穴元季屢開屢塞自明隆慶開濬不復淤墮然其利可以洩湖水之溢者十居其七可以殺江水之怒者十居其三古今時勢不同江流遷徙靡常穴口之開斷難議復故今之言水利者必以隄防爲首重焉

江隄則有楊林工○煙堆工○馬林工○響嘴工○楊樹工○凡五工共長五千三百零五丈計二十九里五分

自縣北門起又有頭工○二工○三工○四工○五工○六工
○七工○八工○九工○十工卽梓楠隄共長三千五百五十
丈計十九里

俞明府監利水利隄防記○江水南岸自石首塔市驛入境北
岸與江陵拖茅埠接壤歷三百餘里至荆河口與湖南水合車
市南岸有黃土港盛漲則舟達洞庭南岸無隄而洲高尾閭赤
剝口久塞上鄉洲寬離江七八十里伏汎則漫灘一望無際自
朝真觀至窑圻腦數十里皆當南風道光庚寅辛卯及己亥年
小暑時水汎風浩人力難支下鄉車市一帶江衝隄脚無歲不

荆州萬城隄志

卷末

志餘

荆屬民隄上

三

崩尺八口鄭家灣亦甚若洞庭倒漾尺八口先受其害州南並
漲則全江皆形喫重矣

襄水由潛江圻口下注從直路河府場河流入滙於柴林河楊水

夏水從江陵白鷺湖古井
口流至柴林河與襄水合而出青灘沌口

上鄉江隄則有拖茅埠上屬江陵下屬監利○石首毛老垸○
朝真觀○朱三工○鐵牛寺○卡子壩○北壩○劉家湖○中
九工○程公隄○紅旗營房○窑圻司隄頭○狗頭灣○荆南
山○孟闌淵○李家湖○冬青樹○八十工○蒲家洲○流水
口○窑灣凡二十一工共長一萬三千九百三十四丈計七十

七里四分窑圻汎屬

又有祖師殿○張景灣○上湖洛淵○下湖洛淵○仙風臺○
潭家淵○奈進工○久安月隄○窑圻厖○藥師庵○資安寺
○護城隄○鳳皇嘴○黃公坑○半頭隄○九工灣○太和月
隄○順鎮月隄○長保月隄○安定月隄○秦家月隄○萬年
月隄○久奠月隄○史家月隄○永安月隄○安全月隄○長
安月隄○萬安月隄○安瀾月隄○蔣家腦月隄○陶家埠口
凡三十一工內多險工共長二萬二千四百八十八丈計一百
二十五里縣丞汎屬

荊州萬城隄志

卷末

志餘

荆州屬民隄上

三

又有林家潭○間巴陵隄○長安月隄○長保月隄○袁吳月
隄○定江月隄○尺八口月隄○間巴陵隄○上鎮江月隄○
下鎮江月隄○趙劉月隄○楊劉月隄○觀音洲隄合巴陵隄
二段計十三段共長七千九百八十九丈計四十四里三分朱
家河主簿汎屬

又有殷公坑○越子坑○平安月隄○白螺司○螺山○倪家
峯凡六工共長一萬六千七百二十四丈計九十二里九分白
螺司汎屬

太馬河汎則有火把隄○紅土隄○劉家鋪○白家灣○雞鳴

鋪

北岸水通吳家河古井口

習家河○毛家口○三元殿○福田寺○柳家

集下至小沙口豐口一從簡家口而出新隄閘一從柴林河南流而出青灘一從枰柁湖昆潭而出沌口

俞明府松滋水利隄防記○江水自枝江縣羊角洲入縣境歷朱家鋪采穴至沱市下達江陵延長七十餘里舊有采穴以殺江流今已淤塞明隆慶中議者謂采穴口當諸縣之首在江南岸原有故道自隄口起六十里沙流下達洞庭必當開濬以寬下流之決潰部議從之後復不果隄自縣東門龍頭橋起至沱市止北岸石套子挑溜南趨沱市遂成險工

荊州萬城隄志

卷末

志餘 荆屬民隄上

古

江隄自縣東門龍頭橋起則有龐家灣民隄○朱家埠民隄○上車老堰民隄○下車老堰民隄○左衛劉鸞鳳軍隄○右衛張會軍隄○左衛羅庶軍隄○左衛庶蠻兒軍隄○左衛羅民兒軍隄○右衛七十廟軍隄○荆衛七里廟軍隄○左衛許學信軍隄○七里廟民隄○牛路口屯隄○左衛但守貞軍隄○左衛張友林軍隄○左衛田仲賢軍隄○左衛陳秀軍隄○右衛龍華鋪軍隄○左衛許冬兒軍隄○左衛張稱兒軍隄○左衛張春軍隄○右衛奈家灣軍隄○馬黃岡民隄○左衛皮李灣軍隄○燈盞窩民隄○黃木嶺屯隄○荆衛黃木嶺屯隄○

荆屬民隄下

某明府覆陳開河建閘稟○查勘江陵縣西北西南之水俱滙歸長湖東北東南之水俱滙歸桑湖長湖之水由橫河口南入習家口了角廟直達張家場桑湖之水東出老關河直達高家口俱統歸白鷺湖出福田新隄閘而入大江邇來老關河道淤塞且白鷺湖從前受水之區今亦週圍墊淤湖身日窄水出福田道路紆遠至今漬潦未消茲據該縣四十八垸垸民王秀等呈稱該民等地處上游水向由蓼湖垸消洩總滙桑湖因荆襄水泛河路久塞蒙前任制憲汪消疏河路題審福田新隄二閘

荆州萬城隄志

卷末

志餘

荆屬民隄下

一

以洩漬淹猶解倒懸今蓼湖等垸又被淤塞飢溺難名雖蒙荆守稟開郝穴大隄暢流垸漬計屬然眉請於該穴建閘按時啟閉江陵闔邑俱受裨益等情據沙市汎垸民王南舉等呈稱林唐郝師等十三垸地處低窪更接上有百餘垸漬水稟請建閘疏洩情形與王秀等詞相同又據六合垸蘆湖垸業民黃冠三等歷述水道淤塞懇建石閘消洩總不離乎郝穴者近是卑職細訪輿情僉云荆守捐廉放漬頗有成效若做新福二閘章程郝穴再建一閘俾桑湖之水可沿河而出閘口不但極窪之林唐等垸可以洩消卽次窪之新興等垸並長湖所蓄荆潛之水

均逐段流通滙歸而出開口其間惟龍灣之東雷師等垵之水仍由白鷺湖而達外江漬澇可消十之八九等語卑職隨帶書識協同紳耆履勘郝穴隄內有河一道直達熊家河約數十步正對古穴可由熊家河引桑湖之水在荆守暫爲放漬自應就近開疏極爲妥協若建石閘爲久長之計濱臨大江出口無唇難以固齒且底椿爲全身著力之處沙地更難任重該民所議該穴建閘誠屬險工似難准行惟郝穴大半里舊有老月隄前有灘足七十弓兩旁有舊隄作掖後一里許卽河直通熊家河可引桑湖之水但低地高開疏七八丈水面有半里非深不可

荊州萬城隄志

卷末

志餘

荆屬民隄下

二

其間雖係民田並旁有草房二所約小三間計值俱不甚昂以所挖之士卽築迎水之隄內水漲則有隄外水泛則有灘滙而不淫迅而不紆江陵潰淹未必不登衽席然其掘挖之功甚於閘座閘座之建亦不必大如福田訊及該民等費將何出僉稱民力拮据懇恩借項先行辦理工竣後由縣啟徵分年歸款卑職伏思該縣嘉慶十三年查辦潰淹造報極窪次窪者二百五十餘垵緩徵銀一萬七千餘兩米三千三百餘石自建新隄福田間後雖陸續啟徵因上年郝穴江隄漫潰淹沒郝穴龍灣沙市等垵田依然有欠無完今採訪輿情遍觀垵潰似與所請亦

合如蒙允建在業民目前以水謀生不致失所再能疏涸耕種國賦民命可以兩全江陵李令知係水利重地不分彼此是否飭令核實估值照例造具弓口木石磚灰工料運脚等項稟報再委該管道府復勘詳請核奪又據小北垸菱角垸方家垸夏家垸子民尤洪章等控稱對河大垸隄圩藉垸漬不能急消朦蔽本府將古今出水之張家場築壩阻塞以致滴水不能消洩而下游浩子口效尤於河口亦築土壩阻塞等情卑職查伊等各垸濱臨長湖北受荆門等處之水西受萬城八嶺山之水俱歸長湖由習家口下至了角廟旁分水三路一由田關達襄水

荆州萬城隄志

卷末

志餘 荆屬 六隄下

一由張家場河口下桑湖而歸白鷺湖一由流河至張么嘴分水出浩子口由白鷺湖合出新隄開口荆守素悉水利因下垸漬苦消宣不及暫將張家場上游之水由田關而下亦屬權宜之計今該府已諭拆毀而浩子口民築土壩因天雨連綿旱已衝塌完結又據虎渡汎屯丁賀良佐等呈稱居住江陵之南東至江陵虎渡口至公安港關西抵松滋古牆至紙廠河南抵楊桐港北抵采穴口被漬地方百有餘里請疏陳唐二河口以期宣洩等情卑職未到江陵荆守已委公安縣丞劉雲卿親詣陳唐二河口逐細覆勘明白稟陳唐二口皆係陳家湖出水之口

陳家河口之水出虎渡河唐口水出孫黃驛二水之口皆從港關前合流直達洞庭惟虎渡係大江分流每遇泛漲必倒漾孫黃驛河並陳河二口入陳家河內水緩沙停是以淺阻上游漬水但現在陳唐二口出水甚暢至淺之處亦有三尺之深舟楫可以往來訊及湖主聽其立椿挑挖並無阻攔卑職查核亦無異

俞明府昌烈議修虎渡口稟○虎渡支河口大腹小僅恃隄塍爲抵禦終非一勞永逸之計覆查此河從前口寬三十丈入流細小是以隄塍可保自二十二年放寬之後以數百丈大江之

荊州萬城隄志

卷末

志餘 荆屬言隄下

四

狂流駭浪灌注於數丈之支河水以河窄而難容隄以水壅而易潰卑職再四思維與其無歲不以修隄爲事莫如將支河口門仍收作原寬三十丈冀水勢微弱不致摧崩支河隄岸似可保衛多多惟經費甚鉅籌辦維艱擬邀集卑縣紳耆商同下游受益州縣士民若肯通力合作協濟夫費庶幾眾擎易舉而事有成第目前春雨連綿坑內積水難疏民情惶懼之不暇焉能遠慮及此但願秋成豐稔民思復業爾時一爲之倡諒必人所樂從卑職身膺民社有利可興者自當竭盡心力爲之俟舉辦定議再行通稟

姜明府某申覆疏宣水道稟 ○竊維荊州府屬有隄者六江陵
公安石首監利松滋荊州萬城是也而惟荊州萬城隄爲最乾
隆五十三年發帑二百萬 命大學士阿公親爲督修經費

旣厚修築又堅自宜永保安瀾後乃四次潰口他縣不一而足
雖防護之疏抑亦水勢使然也近年雨水較多來源較旺江身
淤墊口穴漸陞消疏河路豈能以有限之人力與無量之水爭
勝乎卽如去歲江南浙江安徽江西湖南湖北水災爲向來未
有之事雖有隄防亦難抵禦昔神禹治水九河則疏濟漯則瀕
淮泗則排卽霸者之命亦無曲防可見治水當順其性而不宜

荊州萬城隄志

卷末

志餘 荊屬民隄下

五

遏其流所謂爲川者決之使導是也荆江一帶曩有九穴十三
口南北交通故水患絕少今惟調絃虎渡二口尙可分流近來
二口亦漸淤淺一綫之隄與千里之水爲敵幾何不激之使潰
此時必欲復九穴十三口故迹是不揣時勢不知經費之言此
必不行卑職愚見不如就現在之可爲者爲之可棄者棄之而
已查江陵虎渡是分洩江流入洞庭之故道特口門太覺不能
束水歲久漬淤其流不暢故旁溢橫決支河腹小不敵其衝故
無歲不潰今請收束其口門僅二三里復捐其支隄不治又留
東江隄不治蕭石嘴潰口不治凡公安華容安鄉水所經行處

其支隄皆不治任水所之以暢其流以殺其勢江流南往則北岸萬城大隄可免攻擊之患保大隄卽保荊州他如江陵監利潛江沔陽皆可免衝激之患至於石首之調絃及此時籌款疏濬江陵虎渡支河間有積沙阻淺秋令消涸之後量加挑疏使河身暢達趨下更速且免旁溢此宜易於舉行者也乃說者謂江北可保彼江南之公安石首安鄉華容豈不盡爲澤國乎然虎渡口門不束支隄不棄腹小難容隄終告潰水患究亦不免於公安等縣究何益哉况自道光十二年以後屢遭水患公安等縣之良田多化爲沙淤湖泊水大固不能啟徵水小亦不能

荊州萬城隄志

卷末

志餘

荊屬民隄下

六

啟徵雖有錢糧豈非有名無實乎舍此三四百里有名無實之錢糧而省數十萬賑卹修防之鉅費其有益於國計何如哉卽以荊郡論二十八九年領賑撫銀六十餘萬豁免錢糧幾至十萬虎渡不過江陵之一汎耳計額徵不過四千有零而歸工銀兩二年間動用六萬有奇且所稱額徵不過四千有零亦屬虛文卽遇江水不漲支隄不潰之歲而沙壓者半成湖者半地方官前此旣未詳請奏辦豁免此時只得每年循舊章報漬淹以緩徵了此公事公安等縣亦復如是所徵者少而所費者多矣乃說者又謂南境之錢糧可捐南境居民之廬舍耕種

可棄乎是又不然南境居民逃遷者過半其不遷者或孫網罟或業工商或採芡蘆菱藕以謀生或收魚蝦鼈介以給食水至則乘小舟以爲家水退則葺茅舍以禦冬習爲故常無復作曩日水退隄修希圖穩固之想稱貸而修房屋謀借而講籽種百計經營筋疲力竭水至又復蕩然無有徒耗其費反增其累此時則安之若素矣且如此辦理每年春收仍復可望又何損於民哉

按此與王螺山三議相合原文冗沓茲爲刪潤存之

南岸紳民駁棄潰隄議○一詳載禹王治水九河則疏濟漯則

荊州萬城隄志

卷末

志餘 荆屬民隄下

七

滌汝漢則決淮泗則排不知疏滌原注之海決排只有漢水至大別入江汝泗則入淮淮自入海且濟漯淮泗俱屬北條近海之水今江陵南垸乃十州縣賦地原非海比安可作海以注江水乎○一詳載霸者有無曲防之命夫曰無曲防者不過謂無者不可爲非云有者可竟棄也况隄防之修歷代數十歷年數千卽今江淮河漢凡有隄者莫不以隄爲命如云可棄則應棄之隄又何僅江南一垸耶○一詳載岷山導江東別爲沱又東至於澧爲江水出虎渡入洞庭之故道又載虎渡口門太寬不能束水支河腹小不能敵衝故不免旁溢旣知此故只應由虎

渡口以及水所經過之處所有積沙阻淺者設法疏濬如禹王
疏濬決排去其壅塞以暢江之別流直趨洞庭於以副疏治之
名何得棄垸隄潰口不治撤民保障俾億萬生靈盡沉波底不
復共享太平之樂耶○一詳載南隄不治使江水南注則北岸
萬城大隄可免攻擊之患監利潛江沔陽皆可免衝決之患不
思道光二十二年南岸蕭石嘴已潰後三日江北魚埠頭大潰
又後三日北岸岳家嘴復潰二十四年南岸龍王廟先潰而北
隄李家埠亦復後潰則南隄卽棄亦無益於北隄已可概見况
今北隄數年加修高厚穩若磐石卽棄南隄有益於北隄南北

荊州萬城隄志

卷末

志餘 荆屬民隄下

八

均屬赤子又何以南爲壑乎○一詳載南民逃遷者過半夫民
何故逃遷其咎安在當有不能辭其責者茲不具論且卽未逃
遷者言之如去歲蒙恩造冊撫恤虎渡汎有三萬餘戶不論人
口多寡每戶給錢四十五文共發錢一千五百串汎員散給約
計一汎人數尙不止十餘萬之多此隄若棄而此身將何所依
乃云或操網罟或採芟菱水至乘小舟爲家水退葺茅屋禦冬
竟使南民流離顛沛無有定極將安民固本之謂何真爲父母
所不忍出諸口者也尙言無損於民生也哉

按此乃駁姜明府之議也余友施望雲著湖北隄防約言

一卷提要鈎元自謂法無遺義文貴切用良然施君佐治多在漢沔之間故於襄隄利弊言之較悉然所取稼門尙書上流宜堵下流宜疏二語則通論也茲擇其有裨於民隄者附於後

隄費○楚惟江陵襄陽江夏三邑間有官修之隄餘皆民修按畝攤派夫費往往大戶欺隱小戶受累弊端百出或遇水災有借帑興修者有移賑歸工者有官收官發者有紳士設局自收者隄費爲萬姓脂膏所釀 國賦民生攸賴綦重凡侵蝕者必有天殃謝朝徵曰隄事初興按畝派費上田多至

荊州萬城隄志

卷末

志餘

荊屬民隄下

九

千錢中六七百下二三百不等大戶之費難收不能無取償於小戶故小戶尺寸之土無所隱逃又或指礮确爲美壤緣派費多由首士小戶可以魚肉而大戶之勢力或能禍福人也其弊一隄工之局旣設首士之用度無不取給於此恣情揮灑工竣則彌縫簿籍以少報多削有限之脂膏飽無厭之慾壑其弊二出費之戶間有繳不如期則首士稟官催索差役一出如虎踰羊不遂所欲輒拘帶回局誣以抗繳毆差官又不察而枷號比追及至畝費繳清所出已數倍矣禁私垸○田焉廬焉外繞以隄厥名曰垸報部有名者曰官

垵又曰部垵例應官督民修民私築者曰私垵諱稱私則自號曰民垵無隄而不成垵者曰厥畝乾隆十三年彭中丞查禁私垵疏云少一阻水之區卽多一容水之區未有之垵永禁私築已潰之私隄不許修復何震隄工之名不辨官私不親詣勘民投一狀卽准興築甚而爲之督修迨受害之區紛紛聚訟悔已晚矣

自注亦有雖係官垵而不必修者民間迫於吏胥又賄使游民冒爲業戶堅執空名上請興復以圖侵蝕○謝朝徵曰厥畝乃順水流行之區僅徵漁銀每畝歲賦數釐多亦不過一分民間一築私垵動稱國賦殊不知原以漁稅徵糧也

按私垵之弊誠如二君所云自彭公奏禁後每年查勘久

荊州萬城隄志

卷末

志餘

荊屬民隄下

十

成具文縣官利其徵收吏胥利其規費委員利其餽贖隄隴申覆牢不可破以致愈禁愈增安得親民之官皆知權衡輕重顧全大局耶

掘口圖淤○汎漲至姦民或偷挖隄身成穴其寬深不過尺許風水撞激不日自成潰口此因有窪田在垵內欲使濁流入灌以圖淤高狙獲當嚴懲之

保成功○築隄一一如法矣然而不能垂久者防護之不力也歲修之不實也事非一家民多觀望之私任非世職官徇因循之習吏胥隄長則又恃隄爲利藪蠹源惟恐潰之不速

噫人事如此乃曰天命豈不誣與

荊州萬城隄志

卷末

志餘

荆屬民隄下

士

荊州萬城隄志卷末

志餘

疏築備攷

所錄皆與萬城隄關係之作

邁制軍敬陳修隄事宜疏○竊照楚省去夏江湖水漲淹沒田

禾蒙我 皇上厯念楚民常被水患或有隄岸未修或有疏

築不力務須設法經理 特頒諭旨俟臣到任後會同撫臣

商酌將如何興修防護之處詳悉議奏此誠 聖主日月之

明無微不照愛民之心無一不周臣仰體 皇仁敢不悉心

經理除現在興修防護緣由會同撫臣具 題外臣復廣諮博

荊州萬城隄志

卷末

志餘

疏築備攷上

一

訪將應興應革事宜可以經久而有裨於隄工者酌議八條謹

逐一臚列恭呈 睿覽○一修隄估計之宜造報也每年修

隄例係業戶按糧均派夫土有隄本穩固而祇須略修者有衝

刷塌陷而必需大修者水勢之平險不齊用夫之多寡不一而

不肖官吏賣富差貧以少派多之弊得以自由嗣後每於潦水

消退之後令州縣衛官先將本年應修之隄親往勘量各長若

干某處頂寬若干身高若干腳寬若干確估應用夫土數目每

糧一石該出夫土幾何造冊齎院備查仍出示曉諭使業戶悉

知應出夫土之數以免浮開濫派之弊違者嚴叅從重治罪○

一增加尺寸之宜酌定也查長江大隄每遇水漲坍塌者常少漫溢者常多是培薄固不可緩而增高尤所當急若每歲果加一尺則五年之後便可增至五尺矣嗣後舊隄之上俱應相其形勢如無人行走之處一年加土一尺人畜往來之地加土一尺五寸增寬之數亦如之竣工之日專責該管道員查驗結報有不如式者將督修之官以溺職揭叅○一包折錮弊之宜重懲也查向來每歲修隄諸弊甚多從前督撫非不嚴禁無如陽奉陰違今臣實力禁革使業民夫土實在到工但恐歲久法弛必須請定嚴例錮弊得以永除嗣後水利同知州同縣丞等官

荊州萬城隄志

卷末

志餘

疏築備攷上

二

仍蹈故弊令該道府訪實詳報督撫叅究從重治罪仍枷示一月以示儆戒其有指勸業戶將夫土包折者照河工包攬開夫溜夫之律二名以上者發附近充軍一名者枷號一箇月仍杖一百發落庶人知儆畏而隄工之歲修可以久垂利益矣○一護隄柳荻之宜速栽也隄身之外多栽楊柳近隄沙土密種蘆荻久之可以固隄臣現飭地方河官令業民乘春插柳以一弓一株爲準其蘆荻則接連栽種河官不時查點禁止偷竊損踐不數年間深根盤結可爲護隄之一助如民力不能多栽臣同撫臣司道府協力捐種該管官奉行不力應以誤工叅處○一

隔屬同隄之宜協修也州縣地方雖各有疆界若田畝同一隄
勝則此邑堤潰淹及彼邑利害相關豈宜膜視而分彼此嗣後
請著定例凡遇同隄有險水勢危急卽無分隔屬水利各官督
同有業之人協同搶護不許互相推諉如有抗拒爲首之棍徒
嚴拏詳解治罪○一田間水道之宜疏濬也支河曲港有淤淺
者急宜疏濬而隄內溝洫蜿蜒於田畝之間引以灌溉利濟甚
溥臣俱現飭疏通嗣後專責水利各官每於冬晴水涸之時督
同業戶盡力深濬度其形勢或明安木閘或暗砌瓦筒旱則閉
之以灌田潦則放之以洩水倘水利官奉行不力及借端滋事

荊州萬城隄志

卷末

志餘

疏築備攷上

三

者道府訪實詳叅○一浮沙夾雜之宜速去也隄塍衝潰之處
自必積有浮沙若不盡除而卽加土填塞則根腳虛鬆遇水又
復潰決嗣後修築潰口須刨盡浮沙至底然後層土層礮道員
查驗引錢鑽試以灌水不漏者方爲堅實若草率報完以致潰
口本年復決者將查驗不實之道員併水利官叅處責令賠修
○一積土備險之宜預計也外灘之土俱係砂礫不足爲用惟
隄內有空地者一遇隄塍欲潰之時猶可取以搶救設或外水
已逼內垸又淹無土可取則束手坐困矣應於農隙之時地方
印官水利各員率民預爲擇地取土酌量壘積於險隄高廣之

處無事則可作歲修之用有險則隨手可得可免無地掘土之虞是亦思患預防之一策也

阿中堂
畢制軍

萬城大隄善後章程疏○竊臣等前奉

諭旨沿江

隄塍爲百姓保護田廬而設固應動用民力此次因被淹較重朕不忍仍令被災之民按例修理業降旨動用帑項官爲堅實修築永資保障俟將來每歲修理需費無多再照例辦理但該處民人甚眾若盡歸民修不復官爲經理則百姓等誰肯首先出資踴躍從事第不肖官吏於官工尙思侵尅肥己矧此項工程例歸民修並無保固官員等不特於需費之外可以藉端加

荊州萬城隄志

卷末

志餘

疏築備攷上

四

倍洒派入其囊橐而且草率從事偷減侵漁均屬事所必有其該管上司又因係民修之工遂爾漫無查察殊非慎重隄防保護民命之道自應立定章程於應修時派委大員確切勘估借項興修俟報部核准後再按畝攤徵歸款並定以保固年限如在限內有潰決之事卽嚴叅治罪罰賠庶工程可期永固而官員亦不敢有侵蝕情事除此次應修之隄工交阿桂等妥爲估計動項官辦外其將來民修隄工作何稽查保固之處著阿桂等悉心妥議具奏欽此又奉諭旨嗣後民修各工除些小之工無關緊要者仍任民間自行辦理外如係緊要處工程在

五百兩以上者俱著一體報部查核予以保固限期興修後再令百姓出資歸款欽此臣等查荆郡濱臨大江地處低窪護城隄塍保衛民舍田廬關係綦重所有沿江萬城大隄綿亘二百餘里而自沙市塘樓橫隄以上正當川江下游尤爲險要向因業民自修未經定立保固年限僅委之知縣縣丞查驗督修並不專派大員確實勘估又不報部核銷以致草率從事有名無實工程不固屢經潰決此次被淹尤重仰蒙 皇上軫念災黎不忍用民力修理 特發帑金令臣等會同確勘動項興修今將漫決缺口分別估工還補並添建土石壩工挑溜護隄

荆州萬城隄志

卷末

志餘

疏築在男致上

五

又自萬城隄之得勝埕起至塘樓橫隄止培補寬厚加築土堰以資鞏固節經臣等恭摺奏明並將歷任貽誤大小官員據實叅奏分別革職治罪著賠外從此崇墉屹立得以保護無虞凡小民樂利之休皆出自 聖主生成之德其將來民修隄工必須官爲經理若不明定章程嚴立條款恐仍不免草率偷減尅扣侵漁等弊謹會同籌酌悉心定議將一切稽察保固及善後事宜按款開列恭呈 御覽

按各款分隸各門茲不具錄

裕制軍上漁埠頭潰口情形疏○竊臣前據荆州府知府程伊

湄稟報萬城隍上漁埠頭工段被水漫溢淹及城內等情當經
繕摺奏報一面由水路起程馳往查辦行抵荆郡會晤荆州將
軍祿普等詢知漫水現已退落僅西北兩面因地勢較低尙有
積水約深一二尺不等茲於大小北門城下開閘洩放逐漸消
退其餘均已涸出察訪隄潰時水至城下衝激西門灌入城內
低處陸續漲至七八尺並一丈有餘房屋間有坍塌城內居民
及滿營兵丁均預行遷避高阜或城垣馬道之上人口尙無損
傷監犯先經該府縣提禁高處廟樓派員看管亦無一名走失
惟據城外稟報有民人孫士海等九名人口因逃避不及致被

荆州萬城隍志

卷末

志餘

疏築倚攷上

六

淹斃此外有無溺斃人口現飭清查至村民生長水鄉或製有
小船或預紮木筏以爲避水之計多於隄面山坡搭棚棲止不
致失所其滿營避水兵丁業經祿普等動用公項銀一千兩拯
濟安撫臣現又捐備銀二千兩俾資接濟一面委員攜帶銀錢
分赴各鄉查點戶口就地按名撫卹以期實惠均沾刻下城內
兵民多已回至舊居照常安業臣隨卽親詣該隄周歷查勘上
漁埠頭隄外尙有古埂謝家等坑民隄近傍當陽縣之沮漳河
對岸有洲洲外卽係荆江水漲漫洲江河匯而爲一兼之下有
窖金洲橫遏江心坑隄官工均屬喫重本年五月望後連日大

雨沮漳陡發蛟水加以川江水勢建瓴而下容納無所泛濫旁溢致將官民各隄漫潰實緣水勢過大非人力所能挽回維時南岸之蕭石嘴馬家渡民隄亦潰大溜勢分以故消退較速量得上漁埠頭潰口約寬六十八丈沖刷成潭水深六七尺不等斷難對口接築擬估外挽月隄一道計長四百八十七丈共估需土夫銀二萬八千三百餘兩惟口門過深一時猝難填築截流第時當伏汛若不設法障攔汎水一至難保不行復淹已據該府程伊湄於方城上游接連古埂垸民堤並李家埠下游接連謝家垸民隄各先築橫隄一道以爲屏障江水遂得斷流灘

荊州萬城隄志

卷末

志餘下

疏築備攷上

七

岸業已涸出從此接辦大隄挽月工段尙足以資抵禦其涸出田地節候較早飭令趕種雜糧民力藉可稍紓至荊州下游岳家嘴等處江隄民工據稟亦有漫缺並南岸蕭石嘴等處潰口容臣次第親往查勘設法籌修另行具奏又荊州府城四面間段坍塌二十九處現在勘估購料修復又府縣倉儲米穀滿漢各營軍裝器械內除火藥局地居高阜並未被淹外其餘多有浸涇現已曬晾清釐俟查明確數如有霉變損失分別著給裕制軍岳家嘴漫口情形疏○竊查湖北江漢一帶本年伏秋水勢甚漲致將荊州府萬城大隄官民各工漫潰成口經臣馳

往查勘荊州府上游之上漁埠官工潰口尙易修築當卽分飭
賠修籌辦其下游岳家嘴民工潰口泓深且時值伏汛不能勉
強興修卽經奏明俟秋汛後查勘情形再行估辦嗣據荊州道
府稟賠修之漁埠頭挽月工竣又經奏報俟水落歸槽飭委藩
司赴郡驗收並就近勘估岳家嘴等處潰口工程各在案茲據
稟稱會同署荊宜施道查勘估得岳家嘴潰隄口門計長三百
四十一丈上段厚積淤沙中段衝成深河無處立脚且外內河
取土維艱辦理甚爲棘手今相度形勢祇可內挽月隄一道計
長五百零六丈上段須翻沙填築中段河寬一百四丈水深約

荊州萬城隄志

卷末

志餘

疏築備考上

八

三四尺至二丈八尺及四丈五尺不等擬於水內填築隄腳外
砌碎石內加椿埽鑲護再用純土填出水面然後層土層礮如
式修築完竣於隄外拋砌碎石坦坡上加子埝一道以護正隄
又於上搭腦十丈外接連廢隄頭拋砌石礮一座計長五丈八
尺高深四尺六寸以挑溜勢攔節估計土石柴料各工共需銀
八萬八千九百三十八兩零例應派土修築惟該處地方本年
被水較重戶鮮蓋藏力難輸土應請查照歷辦成案借項興修
俾免延誤等情批行藩司朱士達核議籌項詳請具奏臣等查
荊州府萬城大隄岳家嘴潰口濱臨大江爲江陵監利潛江沔

陽等州縣保障關係最重荆州郡城雖居上游亦有倒漾之慮非尋常工程可比第該工厯係派土修築 國家經費有常未便全行借帑自應另籌妥辦以濟要工查湖北省各屬現已捐輸協濟江皖軍需銀兩堪以借動再於司道庫提撥蕭姓生息及商捐隄河生息沙洋隄工生息等項銀兩總計八萬八千九百三十八兩零臣等因工程緊要現經分飭趕緊解交荆宜施道衙門轉發荆州府知府具領開工仍責成該署道查即隨時督查務令層土層礮照估趕修勒限春汛以前一律修竣報請收工照例保固十年如有草率偷減卽嚴行叅辦罰令賠修所

荆州萬城隄志

卷末

志餘

疏築備攷上

九

借款項以道光二十三年秋後起由江陵在於受益業民名下分作八年征還歸款再岳家嘴工程雖係借款修築將來仍應派土征還歸款應請免其造冊報銷合併陳明謹奏

裕制軍擇要興修疏○竊照荆州府萬城大隄本年七月初間因江水異常汎漲致將上李家埠五號工段漫溢成口經臣親臨查勘奏奉 上諭該處隄工屢經動項修築何以一遇盛

漲卽致漫溢並著該督將全隄情形通行履勘務使一律堅固保衛有資毋得苟且目前將就了事等因欽此當經臣將該隄厯屆修辦大概情形並隄根尙未涸出難以勘估緣由先行覆

奏在案嗣臣由宜昌閱伍事竣折回荆郡適值秋雨連綿江流復漲而下游洞庭諸湖之水仍復頂托不消實爲從來未有之事迨二十日天色微霽臣卽親赴上下各工督同該道府縣暨委員等周歷履勘緣萬城隄坐落荆江北岸上段隄外有保障古埂謝家等垸民修垸隄垸之外有沮漳河一道其河與大江又中隔江桿等洲每遇汛漲時江水卽漫過洲頂與沮漳河滙而爲一垸隄卑陴恆致漫潰其流卽直射大隄南岸則係虎渡口支河下達洞庭湖藉以分洩江流乾隆五十三年以前萬城隄係歸江陵縣暨水利縣丞經理因是年隄潰普律大修遂

荊州萬城隄志

卷末

志餘

疏築備攷上

十

分爲官民二工官工自上逍遙湖起至橫隄止共二十五工計長一萬四千七百九十丈民工自阮家灣起至拖茅埠止共四十一工計長二萬三千二百三十一丈改歸荊州府同知專管道光十二年奏明交荊州府承辦郡城距官工各段自七八里至五六十里不等形如仰盂全賴該隄以爲之衛而府城迤南之沙市一鎮人煙稠密商賈雲屯尤爲全郡精華所聚比因該鎮濱臨江涘對面復有窖金洲阻遏大流直趨北岸頂衝喫重特於官工隄外之楊林洲黑窰廠觀音寺三處各建石磯一座以冀刷沙洲而挑溜勢厥後窖金老洲仍屹立如故上段復接長

新洲斜亘江心阻礙水道而上游之四川省凡深山邃谷無不墾種沙土鬆浮一遇伏暑大雨時行由山溪衝刷而下到處停淤遂使江底墊高水亦因之加長隄墜每年歲修祇能培補險要未克通隄加高以致間段漸形卑陴遇漲不免漫溢此實在情形也今就江岸形勢而論南岸虎渡汛僅係江陵縣所屬什一之地鄰境附近低窪者亦止公安一縣其湖南安鄉等縣相距較遠且有分洩支河直達洞庭爲患尙輕惟北岸攸關關郡及下游各屬保障亟宜設法籌修爲一勞永逸之計刻下隄根雖未涸出有無蟻穴穽洞尙難測知然臣連日逐段履勘隄身

荊州萬城隄志

卷末

志餘

疏築壩效上

士

尙皆穩固其中單薄卑矮及溜陴浸漏處所亦已得其梗概若將官民各工普律加高培厚需銀約在四十萬兩內外 國家經費有常未敢遽請動項辦理再四熟籌擇要樽節估計官工內最要應修之下萬城中方城下方城上漁埠頭下漁埠頭上沙溪上獨陽中獨陽下獨陽共九工計長二千三百一十丈次要應修之上逍遙湖下逍遙湖上萬城下萬城上方城下漁埠頭中獨陽中竿蓬共八工計長一千九百三十七丈又民工內最要應修之登南隄梧桐橋方家淵沖和觀祁家淵龍二淵共六工計長一千三百五十二丈次要應修之上新開一工計長

四百八十九丈均應幫築高寬又下李家埠舊有月隄一道形勢卑矮應一律內外加幫高寬計長一百六十丈又官工沙市古月隄內最要應修碎石泊岸三段計長六十丈又隄內用條石鑲砌加高三尺長九百三十七丈又民工郝穴鎮龍二淵挑水石磯內最要應修碎石工長四十二丈又官工逍遙湖迤上有堆金埕得勝埕二處坐落當陽縣境本係古埂加修民隄先年因蛟水漫過隄面灌入萬城隄內是以歸於民工歲修估辦自應一體培修俾全隄咸臻鞏固該二工最要應修者計長四百五十三丈以上土石各工並翻築溜矧浸溜及加修水埕等

荊州萬城隄志

卷末

志餘

疏築再攷上

上

項總共需土四十二萬一千七百二十三方零碎石一萬八千方條石五千六百二十二丈照例應共合銀十萬八千七百九十九兩零將來水落歸槽卽或有應行增減之處其數當亦不致懸遠凡各項修費自當籌捐辦理體察沙市鎮等處紳富均因感沐 皇仁尙願輸將 臣 俟旋省後亦卽就武漢官商勸

諭湊捐以爲集腋之舉約期十月內外總可興工屆時另行奏明遴委熟諳工程委員分段核實辦理 臣 受 恩深重且事

關 國計民生惟有實心督辦期歸妥善斷不敢苟且了事致辜 訓誨諄諄至意所有勘估萬城隄擇要培修緣由是否

有當謹繪圖開單恭呈

御覽伏乞

皇上聖鑒訓示謹

奏

裕制軍堵築李家埠潰口疏○竊照荊州府上李家埠潰口前經臣親詣查勘因口門衝成深潭難以接築擬俟外灘水涸攔築土壩先行截流詎至八月初旬以後雨多晴少秋汛屢漲復將外灘衝刷深溝一道溝面各寬三四十丈不等接連口門業已成河急湍迴漩一時驟難搶堵迨九月初間水勢稍緩卽於河道兩邊較淺之處趕築土壩而中泓面寬三十三丈深三四五丈不等無從釘椿填土兼之初五六等日江水續漲三尺六

荊州萬城隄志

卷末

志餘

疏築備攷上

三

寸仍由沮漳河倒漾而入溜復奔騰當用蘆柴裹捆廂枕實以碎石在於灘岸釘椿用繩拴繫連下六枕旋被迴溜衝擊順流而下實屬人力難施因思水深溜急祇有仿照黃河下埽之法方能堵截當卽趕備料物飭令照辦第楚北人夫類皆生手做法未能合宜查有監利縣知縣陳進試用從九品王兆鎮熟諳河工情形使之教令夫工如法捆紮廂埽進占每占各寬三丈五尺長三四丈不等填平河面出水四尺卽於初十日起至二十日止共進七占刻下水勢逐日退落工程易做再進一二占卽可截流竣工惟河道深長下埽進占一切工用料物不無額

外增添但期及早堵合故未敢稱備經費致有稽遲斷流之後
亟須趕辦堵築潰隄臣復率同該道府等親詣履勘相度地勢
仍應由外挽築月隄並加修子埝各一道均計長四百七十八
丈與長隄一律相平暨補修溝槽水埕等項共估需夫土銀四
萬四千五百五十兩有奇應卽在於勸捐項下動支現在捐項
尙多未繳工難緩待自須籌款墊辦應請將江漢疏濬要工備
用息銀商捐隄河生息長虹橋路隄存銀蕎麥灣隄工存銀儘
數借用不敷之銀飭司籌補統俟捐項繳齊卽行分別撥還歸
款以上銀兩均發交現署荊州府事聯英具領督同委員等按

荊州萬城隄志

卷末

志餘

疏築備攷上

古

估如式興築勒限年內完竣報請驗收仍責成荆宜施道李廷
棨認真興修如敢減率稽延卽據實一併嚴叅再此項工程係
由外籌捐辦理應請免其造冊報銷合併陳明謹奏

王方伯酌定歲修搶險考成章程○伏查隄塍爲民生保障賦
命攸關全在地方官實力講求先事籌備乃近來楚北有隄各
州縣直以修防重事視若無關考成遂不免掉以輕心奉行故
事當未修之先率多畏難苟安坐荒時日及至興工並不認真
趕修以致草率偷減單薄低矮且於防護搶險事宜又復澆不
經心任聽圩業人等敷衍塞責一經汎漲馬有隄不潰決之理

甚或隄已潰口猶復掩飾捏稟不以實告種種玩忽貽誤自非
嚴定考成不足以除積習而重隄防本署司等悉行籌議擬請
嗣後凡遇歲修工程概於九月秋汛之後責令該地方官輕騎
減從週詣通隄確切查勘何處當衝何處陡險或須加高培厚
或宜挽月幫修核實估計籌集經費卽行鳩工興修一面將勘
定工段丈尺夫土細數籌辦情形開工日期督修官紳姓名詳
細稟報限於次年三月以前一律報竣如有視爲故常並不實
力督催以致汛水已臨尙未完工者卽將印官暫行撤任專管
隄工委員亦先詳記大過一面委員代理印官事務仍責令承

荊州萬城隄志

卷末

志餘

疏築備攷上

五

修之印汛各員專駐工次迅將未竣各工立予修復如果搶修
完固水已涸復通隄無恙仍令予回任供職若因汛水漲發工
未完竣或已完工而辦理草率以致所修隄段潰決成口應卽
分別潰口之大小受害之輕重或奏請摘頂或奏叅革職仍令
戴罪駐隄協修果能尅期歲事予限一年所修隄段並無潰決
始准開復實缺者卽予回任其有因地方政務殷繁工程浩大
由省委員前往督修者則委員之責成與地方官并重委員無
任可撤卽行從重記過停委在地方官應回任者委員准予銷
過候委餘亦如前議辦理至搶險一事應於汛水盛漲之時先

行親駐隄所督同汛員暨隄長圩業人等多備守水器具毋分
雨夜認真巡防遇有險要處所立即設法搶護毋任汕刷浸溢
如因防護不力致有潰決即將地方官及分防隄段之員如係
工程草率隄段衝潰卽行照例詳叅如實係工程堅固水漫隄
頂致潰亦予詳請記過仍視工程之難易酌量勒限修復若逾
限而工程尙不及半或未完工者卽詳請分別嚴叅仍令駐工
協修以觀後效再有隄之地方官及委辦隄工之員如能於歲
修工程依限報竣迨至汛水盛漲又能認真防護俾通隄各工
三汛均獲安瀾卽由本管知府將修防出力各銜名開報候補
隨時考其勤惰予以賞罰俾知勸懲

陳觀察停挽郝穴月隄稟○竊照江陵縣屬郝穴汛鎮江寺前
石岸埕塌先經職道籌議擬包盡諸險退挽月隄一道以爲一
勞永逸之計嗣因查丈建隄形勢須挖壓民墳一千餘塚紛紛
勒令起遷均非民間所願又擬將隄之進身量爲收小以順輿
情均經先後稟奉憲台批飭作速勘估詳辦職道遵卽率同該

府並荆同知李丞江陵縣呂令復詣該處逐加履勘該鎮隄街計長三里有餘東爲丁字隄西爲許仙觀隄上隄內居民鋪戶約有數千餘家丈量許仙觀隄頂寬九丈至十一丈不等鎮江寺隄頂寬十一丈至十四丈五尺尙屬寬厚惟龍二洲隄頂僅寬五丈餘尺上新塏隄頂止寬三四丈甚爲險要隄後有古河一道自五顯廟隄邊起迤邐而東數里之內河身曲折縈繞下通城河口白鷺湖爲商賈行舟往來及民間出水之所若如職道前稟自龍二洲四號起至下新開一號止雖止跨河一道而所包之地寬廣約有六七里其中田廬墳墓甚多一經圍築月

荊州萬城隄志

卷末

志餘

疏築備攷上

七

隄無處可通水道難保不積水成湖外而老隄內而月隄均不免爲風浪汕刷如量爲收小則下半月隄又須跨河三道其河面寬有二十一二丈探量水深七八尺水面離坡岸八九尺不等於河內打樁築壩填出隄腳不特工費浩繁且恐根腳軟弱不能堅實難期經久況河路一經阻隔老隄以內民田廬舍均無洩水之所殊未妥協職道等當履勘籌議間復據該處士民李仙源李宜蕙饒景峯吳豐山蔡超萬等各赴卑府昂處具呈以郝穴人戶輳集廬墓甚多向來大隄溜埝隨時培築不致有衝潰之虞一旦挽築月隄旣多挖壓田糧又致損傷廬墓民間

不願興此大工懇將老隄加高幫厚可保無虞等情職道等查該處隄工爲下游各縣保障前因石岸埝塌危險是以職道擬請退挽月隄爲久安之計今訪察輿情細察地勢實有窒礙難行本年伏秋汎漲後鎮江寺許仙觀兩處石岸惟原埝之處下脚微有溜矧其餘工段均未坍塌是老岸尙屬堅實如將單薄之處再加寬厚保無他虞並查乾隆五十四年

公中堂阿前督憲畢奏

明郝穴市鎮煙戶浩繁如於老隄之後另建月隄斷無舉數千家鋪戶廬墓盡行棄之隄外置而不問之理添築月隄老隄仍不能不爲之保護實屬徒費無益等因是前項議築月隄不特

荊州萬城隄志

卷末

志餘

疏築備攷上

六

跨越古河不得地勢且查照奏案亦未便將該鎮商民廬墓盡置隄外職道不敢因稟築在先稍存廻護之見當卽會同再三籌計與其挽築月隄仍不能萬全無弊莫若培修老隄以資捍衛現擬將龍二洲上新開二處隄身單薄處所估修內幫與許仙觀等處一律寬厚每年汎漲之時責令該士民等在隄幫同隄圩加意防護勿庸退挽月隄以省糜費以順輿情至郝穴上游十餘里之雙聖壇迎溜頂衝江岸已坍塌及隄身應挽月隄一道約長一百八九十丈郝穴下游熊良工江岸坍塌隄身陡立外係深潭最爲險要亦應退挽月隄約長四百餘丈以上各工

所需土方尙屬無多應請歸於本年歲修案內按糧派土興修如此分別酌辦則險工既可無虞而帑項亦不致虛糜矣

王太守議復御史條陳大隄事宜○一原奏隄工民修宜變通也飭將官督民修諸弊切實根查應否改爲官修一條卑府遵查荆郡江北萬城大隄上自逍遙湖起下至拖茅埠止計長二百一十餘里分爲六十六工乾隆五十三年萬城隄潰動項修復並於善後章程案內議請將卑府清軍同知改爲水利同知專司修防每於秋汎後由同知衙門查照大汎水痕按險勘估在江陵縣閩邑糧石內攤派土方卽就各里

荆州萬城隄志

卷末

志餘

疏築備放上

九

糧多大戶無論紳士軍民一體認充董事催收土費每土方折錢一百六十文交局并於郡城郝穴二處各選派公正紳耆二名設局經理收支由水利同知募夫修築完竣道府驗收結報其派徵土費各業民須於次年夏間麥收後始能輸將先由同知衙門在於道府庫貯項下挪借興工陸續差催徵收還款此萬城大隄官徵官修先行墊項辦理之章程也至江陵縣北草市直路河一帶防禦襄水隄滕及南岸虎渡汎大支兩隄並公安石首監利松滋等縣江河大支各隄向由各該縣傳集沿隄紳耆眼同勘估在於受益各業民名

下按糧均勻派土僉派糧多大戶爲董事給與土單各按各里催集夫土自行擔築地方官以及汛員僅止勘督催修汛臨防護從不經手土費書役人等亦無從染指此又各該縣官督民修之舊章也卑府復查萬城大隄官徵官修已歷四十餘載之久所有應徵土費從無帶欠無如近年以來每多完納不前前任鍾丞任內自道光九年止十一年止因挪借府庫及自行借墊錢文共計二萬數千串之多比催無獲掣肘異常稟經前制憲奏請改歸卑府經理仍責成水利同知幫同催修防護鍾丞旋卽病故其挪借庫款現係由府攤捐

荊州萬城隄志

卷末

志餘

疏築備攷上

三

彌補至前署府宋牧及卑府接辦兩屆歲修設法比差勒催現在無著土費又有四千餘串揆厥所由蓋因各業民醇頑不一在醇良者無不以官爲墊辦衛其田糧踊躍輸將而頑劣者每以地方官旣爲墊項修築卽可置身事外兼之刁生劣監從中蠱惑任意拖欠此又官徵官修難免賠累之明證也若將官督民修之工一律變通改歸官徵官修在力能賠墊之員固不敢坐視玩延而無力賠墊者勢必辦理掣肘保不轉滋貽誤再原奏內稱徵收土方之法應於每年勘估定後實需土方若干做照錢糧例刷印土券照例定夫價徵收

務限十月前一律徵收完竣以便興修等語查徵收國賦分上下兩忙立限半年之久催納尙多民欠今以官修之工而於派土之後不及一月責令全完恐亦勢所不能至所謂楚北民人無不情願多派土方歸之官修得以享安閒之利者似係誤聽頑民倡言以多派土方爲餌一歸官徵官修卽可遂其抗完土方之計耳卑府再四體察年來江隄屢潰實因江底淤墊日高汎漲狂瀾以致漫溢爲害非盡因隄工之辦理草率也莫若仍循舊章官督民修以該里糧多大戶之董事集該里之人夫急公趨事自衛田糧旣無差擾之煩並

荊州萬城隄志

卷末

志餘

疏築備攷上

三

可免抗完之弊較爲妥善惟各汎員以及書役向聞有藉催工防險之名勒索夫馬之資早經各前憲出示勒碑永禁一切裁草卑府厯任數載隨時稽查並無陋規名目第恐日久弊生應請從嚴申禁以免故智復萌並於工竣驗收之時責令地方官切實錐試丈量如有鏟草見新縮脚窪腰鬆浮偷減等弊立押補築不得顛預了事庶幾得臻鞏固而永慶安瀾也○一原奏宜嚴定考課章程以示勸懲也飭令如何定考課勸懲章程及沿河各府同知通判有無改作廳防之員應如何分段管轄以專責成一條卑府伏查荊州府清軍同

知於乾隆五十三年奏改專司萬城大隄修防事宜江陵縣則有該縣縣丞郝穴主簿沙市虎渡二巡檢公安石首二縣則有縣丞監利縣則有該縣縣丞及朱河主簿窑圻白螺二巡檢惟松滋並無水利汛員查該縣僅止江隄一道計長六十餘里每於汛長之時亦由道府委員幫同防護是荆屬兼管水利之佐貳雜職均係各有攸司尙屬周密此外僅府通判一員分駐沙市鎮專管捕務不兼水利該員雖係閒曹惟沙鎮爲商賈雲集之區彈壓巡稽均關緊要且沿江以及支河隄塍綿延數百里鞭長莫及一人亦難兼顧似未便改作

荆州萬城隄志

卷末

志餘

疏築備攷上

三

廳防轉致貽誤地方至原奏內稱河工現例在工人員安瀾則予超擢潰決則立予嚴譴立法實爲盡善江漢二隄同屬賦命所關似應一律辦理等語卑府查楚省承辦隄工之員例有保固限期責無旁貸至遞年歲修向係業民自修自衛之工非若河工官爲領項辦理者可比歲需經費亦甚懸殊再查河工官員星羅棋布修防是其專責考課不得不嚴至州縣官承乏一邑刑名錢穀之任已屬日不暇給所管隄防係屬兼理以故有隄州縣向無勸懲之例且年來江底日高水勢異常泛漲加以沿江淤洲林立衝刷激溜變遷不一勢

難盡保無虞若以民修之隄概照河工設立勸懲非特情輕
法重且恐各縣意存遷就將難辦之工隱匿不報以免將來
受累但擇其易辦者勉強塞責殊爲有損無益卑府愚昧之
見各縣民工旣請仍循舊章辦理似亦勿庸另立勸懲之法
也○一防險之法宜豫講也飭將應徵蘆課能否改徵柴束
隄正隄夫應否添設一條卑府伏查萬城大隄共長二百一
十餘里統計六十六工每工約長三四里不等歷設隄長一
名圩甲五六名由近隄承種圩田業民輪替充當每於歲修
之際該隄長圩甲在於隄面按五尺堆土牛一座每座寬一

荊州萬城隄志

卷末

志餘

疏築備攷上

三

丈長二尺高四尺並豫備蘆荻樹枝紮成浪把以及筐擔椿
鋤守水各器具按工存貯一遇汎漲該隄長圩甲隨同汎員
不分晝夜往來巡護有浪溜汕刷漲漫浸漏之處卽用浪把
土牛塘護搶築近年江汎盛漲大於往昔所堆土牛遞年加
增尙足敷用惟浪把等物卑府前恐圩甲力難多備自行捐
廉購買蘆荻每工堆聚二百束正派親信親友家丁分段住
工幫同防護以備臨時搶險之需如江汎安瀾勿須動支卽
點交汎員派役看管存備下屆之用查府屬沿江各縣共徵
蘆課錢糧三千三百餘兩似未便改徵柴束有缺正供且恐

一經改徵遇有不肖之員轉得藉詞侵蝕徒飽私囊而無實
濟至每工約長三四里向設隄長圩甲已有六七名之多足
資巡防亦可勿庸再議加添所屬各縣每於防汛之時亦於
隄上設立蘆棚派令隄圩等分段防守辦理情形與大隄約
略相同似可不必更改舊例○一原奏多開支河以洩水勢
飭查隄內河港是否應行疏濬潰漫難堵隄工有無可以順
勢利導之處一條卑府伏查前奉憲台行奉 上諭據御

史朱達吉奏湖北連年被水必有致患之由請疏江水之河
飭令欽遵將所屬境內支河故道相度地勢諮訪輿情將實

荊州萬城隄志

卷末

志餘

疏築備攷上

三

在應行開濬之處詳細稟復卑府遵卽率同各縣查勘形勢
考之志乘訪之輿論荆江兩岸由松滋歷江陵公安石首而
至監利向有九穴十三口分洩江水以殺其勢近惟江陵之
虎渡石首之調弦二口尙存其餘或以久成集鎮亦或湮沒
無考卽江陵之虎渡口日漸淤高業已會督同知焦丞勘明
虎渡口至公安之黃金口等處逐段挑挖深通使水勢就下
滙歸洞庭估計土費稟辦在案其石首分洩江流之調弦口
經縣屬之磚橋歷焦山河入湖南華容縣境之武林渡萬豫
窑灣黃土窖花家窖亦俱間斷淤阻必得一律挑挖深通江

水漲發之際庶可暢洩洞庭不致有泛溢之患亦經稟請憲
台俯賜核辦

但太守搶護各險工情形稟○萬城大隄各工滲漏坍塌俱極
危險卑府督率搶護及城河水漲並城牆外皮坍塌卸各情形於
二十一日卯刻馳稟憲鑒在案卑府前於二十日由獨陽馳赴
上游各工逐段履勘見漁埠頭中方城各有埕溜跌窩酉刻馳
回獨陽飭令右衛邵德和經歷俞昌烈迅往分途搶護二十一
日發稟後仍卽馳赴漁埠頭等工督率趕辦途間接據俞經歷
稟報中方城漏眼愈溜愈大內海面忽坍塌十五丈隄面通體

荊州萬城隄志

卷末

志餘

疏築備攷上

三

橫裂四五寸至八九寸不等老子埕亦漸坍塌三四尺與外江
水平危在頃刻卑府卽乘騎馳往時俞經歷已先於二十日夜
間集夫跑簽加築因日前天雨連綿隄內均係積水無土可取
土牛業已用盡萬不得已揭取上下堅穩隄面裡身之土暫救
目前之急先搶外幫盡一夜之力幸將裂縫全行塞築內海面
忽又塌陷一坑子埕頂復塌一坑均有渾水上突用土卽時填
平卑府到後漏水愈急漏洞口開竟圍圓四尺有餘居民驚駭
異常卑府自思此隄一潰身命原不足惜第數百萬生靈以及
城池倉庫均皆付之流水惟有盡力搶築外幫以冀僥倖於萬

一而外幫急又陷一大坑漏水更加洶湧忽上首又裂兩縫寬五六寸察看情形通隄腹內已盡空虛內水縱橫四散是以此築彼陷此塞彼湧惟有盡力搶築外幫或可捍禦實屬無可如何之計隨即跑簽澆掩加築午刻漏孔斷流士民同聲歡慶未時忽於漏孔之東又陷一大坑水直上冒當用煤炭土袋築壓漏孔復又流水較前不過十分之四仍盡力搶做外幫屢令水摸摸索漏孔來源總無確實下落戍刻新外幫面又塌一坑而幫外又缺三口乃知漏眼必從此處進水用土袋填築坑眼再用石灰純土築實復於三缺口用棉絮土袋令水摸下水填

荊州萬城隄志

卷末

志餘

疏築備攷上

美

塞漏水卽時斷流其爲漏孔之根更屬無疑因該處外腳水深將預備船隻載土沉水以護根腳再用土袋壓築幫寬塘護以防浪溜至二十三日午刻外幫已全築好漏眼亦無涓滴是役也幸連日晴霽江水漸消人夫踴躍官民同心協力俞經歷尤動中機宜指揮得法並有附隄生監李鄧孫季等姓並近隄人民晝夜幫同搶護不遺餘力以致從來未有之險得保平安此皆仰承皇天眷佑亦深賴大人福庇化大險爲極平卑府幸獲餘生敬感無旣惟伏秋大汛接踵而至善後機宜更爲緊要必須按工一律培築堅穩以資捍禦其由張家口灌入城河之水

身愈高江流愈狹一遇異漲不得不與官隄爭路其勢然也是治江之策有三不外加隄身平私垵疏舊港而已卑府抵任年餘往來工次訪之故老近年江身較乾隆戊申年約高丈許何以驗之戊申阿文成公修防竣工立鐵牛於隄頂今不及隄之半官工一帶隄內有陡高三五丈而隄外高不過丈許者庚午之水萬城幾至漫滅本年夏汛較庚午年僅小尺餘南隄久潰水漫一次卽沙壅一次地勢漸與北隄相埒將來無隄之鄉盡成高阜而北岸反居下游勞費更甚若趁此時加高大汛到隄畢竟先漫南岸

荊州萬城隄志

卷末

志餘

疏築備攷上

三

堅持數日未有不消所謂隄身宜加者此也然江身之所
以高實由私垵阻水之故蓋水旣上岸多一尺之阻則須
停蓄旁流泥沙下注節節掛淤日久竟成洲嶼乾隆十三
年彭中丞疏禁私垵請令各州縣查註垵名凡有礙江流
者按冊平毀遠年舊埂不准修復新淤聽其消長每歲本
道勘驗取結知府加札以催之著爲令甲乃地方官以爲
私垵一潰則錢糧無著往往視爲具文小民貪利見有淤
地輒規以爲田馬厰佃民藉口打墻分界此卽私垵之根
春間曾經委員查勘各該洲首避匿不出因飭江陵陳令

親往曉諭並札石首雷令查辦均以積重難返操之太蹙恐滋事端不知洲地消長無定本無額徵錢糧民戶因科則輕減爭相佃種洲首收稅交官享其餘利所得亦微應請大人申明舊禁凡江心私垸有礙江流者無論新舊出示概行查毀馬厰土墻尤不可存一面札飭卑府遵照轉飭辦理私垸旣毀則北隄加高亦有把握矣至虎渡一口據江水上游爲南入洞庭故道卑府正月間兩次履勘委員節節丈量中間有淤有水自口門至通流截長補短計淤沙三十餘里春水生時曾仿造鐵葉輓轆用小船順流

荊州萬城隄志

卷末

志餘

疏築備攷上

完

梳之似覺活動惟沙深水濶不見暢行是以中止毛楊尖現亦淤墊不難於興築而難於取土但虎渡不濬南岸上游別無分洩之路不惟北岸喫重於毛楊尖仍復不利據聞調弦冬月水濶客貨必須過載居民藉謀生計南省屢欲挑挖而石首輒阻之又嘗金洲南原係夾江近年非大汎不通若迎溜開深俾得常川不息稍殺北流之勢於官隄亦有裨益此舊港之宜濬者也三者之外更有急者郡城南官工楊林洲石磯專爲攻塞金洲而設磯成數年該洲果塌六十餘丈今則磯頭早在江岸去水數十步左右

皆已淤滿江心又復生洲逼水北埽玉路口一段自去年
十月至今崩進十餘丈刨坡拋石俱不能止卑府審度地
勢非仍築石磯不足以敵之楊林磯岸側係陡水萬難接
築查筭箕窪以上大王廟洲嘴與窖金洲東西對峙此地
若添築磯頭必能挑水南行攻刷新沙較爲有力擬俟水
枯灘出親往估勘再行稟聞

荊州萬城隍志

卷末

志餘

疏築備攷上

荊州萬城隄志卷末

志餘

疏築備攷

所錄多係通論江漢水利

張侍御漢請疏通江漢水利疏○臣聞楚省交於江漢荆郢實當首衝宅壤最為窪下計沿河大堤南岸自松滋六百餘里北岸自當陽七百餘里漢隄江隄共計幾三千里俱係民築民修其間最險若沙洋若萬城難以枚舉而修築弊端亦難言盡又修築不堅水發卽潰屢潰屢修民力幾何此則人民受累之源也計楚水大者曰江曰漢曰洞庭三者緩急相濟迭為利用者

荊州萬城隄志

卷末

志餘

疏築備攷下

一

也查大江發源岷山出三峽下彝陵州約寬十有餘里洞庭居大江之南方八百里容水無限湖水倘增一寸不覺其大江水卽可減四五尺昔人於江上流采穴口下流虎渡口楊林市宋穴調絃等口各殺江流導入洞庭而復達於江故水勢寬緩而無患也今僅存虎渡一口江水一發陡高數丈無路分瀉田廬卽為巨浸此江水為害之源也漢水自嶓冢導漾東流而下襄陽自安陸府以上河寬十有餘里安陸府以下至寬不足一里再下漢口其窄益甚船每截流而渡江高漢弱阻遏逆行潛沔諸邑於是數受其災矣查漢水上流有操家口相傳羊祜運糧

舊河隄形尙存其水東流過天門縣入三台大松等湖其湖居天門之東雲夢之西漢川之北應城之南支分澗口派出五通傳爲漢水故道眾水通流今舊口操家口盡淤無所歸注此漢水爲害之源也雍正二年鍾祥縣隄潰如雷汎發西城不浸者三版民無可避田廬蕩然居民云此隄無十年不潰計鍾祥一邑今已九潰矣他如京山潛江天門諸邑地處下流隄若陡潰則如頂灌足耳昔年潛沔士民具呈申訴請以築隄之夫供疏河之役官不允行民無如何爲今之計欲平江漢之水必以疏通諸河之口爲急務矣查江水支流其下流當先疏者五通口

荊州萬城隄志

卷末

志餘

疏築備疏下

二

調絃口遡口而上之當疏宋穴楊林市與調絃合流又遡而上當疏采穴與虎渡合流再疏北岸之便河郝穴令江水從長湖了角廟合注則黃潭隄不築而自固又復龐公渡則監城可以無虞矣疏新隄之口與新潭之淤則江漢之水於是互爲取濟矣漢水支流則疏舊口操家口而沙洋之一包三險可以無憂疏泗港而潛沔可無憂疏通順河而潛城復舊可以無憂再疏小里潭竹筒河與天門縣獅子等河而低窪諸邑乃可安堵而無其魚之患疏河所以爲急務也若夫築隄必取土於內地內地日低故河日高河日高則水勢日險患日深是以江漢不疏

終非底定之本積淤不濬終失利導之宜此則楚民隱憂也夫
三楚富饒夙甲於天下諺云湖廣熟天下足一歲兩稔吳越亦
資之今或稍逢水旱卽倉皇無策致居民不免於貧困雖不得
盡委之河隄之累然逐年估計旣苦每年派費之繁多潰決無
時又慮身家之莫保豈非河隄之爲累乎昔年湖南巡撫陳詵
洞察楚爲澤國阨於江漢甫任卽調絃口親詣踏勘江則欲導
之使南漢則欲導之使北頗爲利濟之宜旋內陞去任未及施
行臣夙有所聞此其大畧也臣思古者江淮河漢水行地中然
後人居平土其實治水行其所無事也後世詳於治淮河畧於
便疏河口亦行其所無事也

荊州萬城隄志

卷末

志餘 疏築備攷下

三

治江漢故江漢時有汎濫之慮不知楚有洞庭較淮河洩水爲
鄂制軍彌達奏覆臺中開河疏○臣惟天下利害之大者莫如
水三楚襟江帶湖古稱澤國其利害之所在自宜究心然大凡
興除必先相其地形度其時勢熟籌民生之利病務期動出萬
全未可拘泥陳說漫然從事也臣以爲治水之法有不可與水
爭地者疏陞濬淺導壅殺流向來淺水之港汊毋令堵截致水
泛溢而爲災也所謂不棄者東洲西灘積淤成腴現在居民之
田廬交錯萬難開鑿致民離居而廢業也楚水之大者曰江漢

江水發源於四川之岷山經宜昌荊州等府分流洞庭而過漢口江固與漢會也漢水發源於陝西漢中蟠冢經鄖陽襄陽安陸諸府而出漢口漢亦與江會也江水之患則江陵監利松滋石首諸縣實受其衝也漢水之患則鍾祥京山潛江天門荊門沔陽諸邑實受其衝也江水漢水之支流其派絡相通分注而互漲者則各屬交受其衝也今臺臣張漢所請疏江之水則曰調絃口曰宋穴曰楊林市曰虎渡曰采穴曰龐公渡等處蓋欲導江水入洞庭分於支河而殺江之流也疏漢之水則曰舊口操家口曰泗港等處蓋欲導漢水繞三台湖出五通口而殺漢

荊州萬城隄志

卷末

志餘

疏築備攷下

四

之流也臣謹得而分言之江之調絃口虎渡口皆爲入洞庭之道歷來河路寬深足資宣洩兩岸隄塍屹立今姑無庸置議至宋穴采穴楊林市等處自宋元以來久經墮塞訪之故老攷之傳志舊跡無存其間隄岸綿亘田園廬墓棋布星羅若欲掘地成河勢必廢已築之舊隄又欲增無數之新隄不獨工費浩繁無從措手而田地爲墟人民失所豈容輕議又龐公渡一處前明天啓年間曾經開通後乃泛溢爲害我朝順治七年經該縣詳明堵塞始得安穩此江水之不能疏也漢水之舊口距五通口計長八九百里中間煙火萬家田疇彌望今若漫議開洩

勢將使千萬頃之良田胥爲河流經行之道而兩岸隄防之費殆不可以百萬計前明萬厯年間操家口潰決經官民畢力堵築後於崇禎九年又復潰決不能堵禦直至我朝順治七年督撫諸臣著各縣民夫合築經數十餘年之久始成安土並非年久淤塞現在沙洋一隄經前督臣阿桂題請動帑興修壅之方懼爲患曷敢言洩至於泗港居天門之上流泗港一疏天門殆將爲壑他若通順等河不過小港水大無能宣洩水小遂成涸澤此漢水之不能疏者也又臺臣張漢請疏便河郝穴使江水從了角廟東注則江水必入於漢方欲疏漢水以殺漢之勢

荊州萬城隄志

卷末

志餘

疏築備攷下

五

而又引江水以灌之此蓋未便置議者也臺臣張漢又云操家口達五通口爲漢水故道查禹貢載漢水至於大別南入於江大別去五通口三十餘里非故道也臣思滄桑屢易禹跡茫然昔之由地中行者故軌久已難尋三楚之水百派千條其江邊湖岸未開之隙地須嚴禁私築小垵俾水有所滙以緩其流臣所謂不可爭者也其倚江傍湖已闢之肥壤須加謹防護隄腴俾民有所依以資其生臣所謂不能棄者也其各屬迎流頂衝險要之處長隄聯接每歲責令分營水利各員逐一查勘督率業民增高培厚寓疏濬於壅築之中此全楚所以興水利而除

水害之概也緣係奉 旨查議經躬勘閱其水道情形之可
陳者如此臺臣張漢所請疏洩之處似毋庸議

汪制軍志伊籌辦湖北水利疏○伏惟天下之大利者莫如水
天下之大害者亦莫如水楚水之大者曰江曰漢江水自四川
岷山發源至巴東縣入楚境歷歸州東湖宜都枝江松滋江陵
監利沔陽漢陽等九州縣東出黃州境漢水自陝西嶓冢發源
至鄖陽入楚境歷均州光化穀城襄陽宜城鍾祥荆門京山潛
江天門沔陽漢川漢陽等十三州縣出漢口與江水合江水自
松滋以上漢水自鍾祥以上兩岸皆山素無水患自松滋鍾祥

荆州萬城隄志

卷末

志餘 疏築備攷下

六

以下地勢平行土性鬆浮軍民田廬非隄塍不能捍衛非支河
港汊不能宣洩自乾隆五十三年江水異常泛漲荆州府屬江
陵縣大江北岸萬城隄潰決二十二處嘉慶七年六節工七節
工又漫潰八十餘丈再嘉慶元年九年監利縣潰決狗頭灣程
公隄金庫垸三口先後水推沙壓以致江陵監利二縣屬並潛
江沔陽南鄉支河港汊多爲泥塞積水在田無路可出如盛鉢
孟頻年大雨時行淹潰日甚其大江南岸之松滋公安石首等
縣亦因隄塍潰決間有積澇至若漢水自乾隆五十六年後天
門沔陽漢川等邑隄垸卽屢有漫潰又自嘉慶元年以至十一

年上游則鍾祥天門荊門州沔陽州漢川縣潛江縣皆連年漫
潰其所潰之口自數十丈至數百丈不等或直衝而被淹極重
或橫溢而被淹次重或倒漾而被淹稍輕歷經前任督撫臣奏
荷 聖恩蠲賑兼施而沙隨水入水緩沙停港汊多淤積水
更易漫潰其漢陽雲夢應城等縣地處下游亦不免溢漫注潰
之患此江漢二水節年潰淹各州縣隄塍田畝之原由也臣飭
各該管府州並州縣確查籌辦陸續稟覆並將各士民先後連
名呈詞二百五十六件查對情形大略相同核計荊門州被淹
五十五垸潛江縣被淹二十七垸天門縣被淹一百二十垸江

荊州萬城隄志

卷末

志餘

疏築備攷下

七

陵縣被淹一百六十五垸監利被淹一百九十二垸總共被淹
九百二十垸大小不等其最大者周圍二三十里最小者周圍
三四里其積水或深二三尺六七尺至丈餘不等或已涸出五
六分二三分不等其全未涸者較多該紳耆所請防堵疏消之
處議論不一難以縣斷臣隨於查閱各營伍時道經被淹之州
縣卽率同該地方官並傳紳耆人等親赴各處察看應堵應疏
情形揣度地勢參酌輿情論其受害在上游者宜於堵其受害
在下游者宜於疏或事疏消於防堵之先或借防堵爲疏消之
用通盤籌畫不徇一鄉一邑之私見使有此益彼損之虞查濱

臨江水者江陵監利二縣並沔陽潛江二州縣南鄉積淹田畝地極低窪嘉慶五年雖經前撫臣高杞奏准開挖姚家河黃土溝柴林河等處使水由豐口入江但只能消洩上游長湖澤口二處夏秋所進泛漲之水所有各垸積澇之水卽冬春亦不能涸出臣於三月間勘有監利縣福田寺地方卽古之水港口今橫堵一隄丈量隄內杜漚廢垸積水高於隄外白灘湖面水五尺二寸宜開隄建石閘一座又沔陽州所屬濱臨江水之新隄地方卽古茅江口並前水港口係前明大學士張居正因有關其祖墳風水築隄堵塞今丈量新隄內河之水高於外江水一

荊州萬城隄志

卷末

志餘 疏築備錄

八

丈二尺宜開隄建石閘一座並籌定啟閉章程每年十月十五日先開新隄閘十月二十日次開福田閘計可疏消積水六七尺各垸卽可涸出十分之八九每年三月十五日先閉福田閘不以鄰垸爲壑三月二十日次閉新隄閘不使江水倒灌至姚家河以上之積水欲由太馬河而達於閘必須於鄭家廢垸中開小河一道以通之其上下兩閘間之淤塞處所亦應一律挑挖深通俾水達洪湖由新隄石閘入江則江監潛沔四縣百垸積澇之田可期涸出並將監沔二州縣境內刁民私築之土墻均行折毀俾無壅淤其白鷺湖柴林湖豐口土金口土地港上

下各淤淺均能挑挖深通俾長湖澤口二處夏秋所進之水一由簡家口高都灣出青潭口入江一由土峯口澄沱湖出沌口入江則嗣後該四邑之隄垸方可免泛漲衝淹之大患其南岸松滋公安石首等縣雖間有積澇被害較輕設法疏消尙易爲力惟江陵萬城大隄頂衝危險處所及各縣沿江隄塍必須加築堅固以防江水之患至若濱臨漢水者自鍾祥以下沿河皆賴隄塍保障該縣地處下游工多險要潰口一開如頂灌足下游卽全遭淹沒各隄多單薄低矮一遇汎漲在在可危查該縣境內隄工一萬六千七百餘丈除飭將尹家廟加築之子埂並

荊州萬城隄志

卷末

志餘

疏築備攷下

九

中段修砌之石駁岸石裏頭挑水石壩趕緊完報外其餘一律亦當加高培厚至於下游各州縣應堵之處荊門州則有十三處潛江縣則有三處京山縣則有一處天門縣二處漢川縣三處雲夢縣五處皆須修築完善其沔陽州之西北鄉濱臨漢水因天門漢川等縣支河歷年潰口水尙內灌衝刷沿河隄身所有應行修築之處更甚於他處如潭灣垸等各號隄工缺口計長一千二百餘丈若不修築堅厚則天門漢川沔陽三州縣終不免漫潰淹浸之患其應疏之處荊門州則有十二處並江陵刁民私築土壩十三處潛江縣則荆河壩河澤口三處並謝家

長安等八到天門縣則有牛蹄支河縣河等處沔陽州則須開復陳公永奠二閘漢川縣則有十處漢陽縣則有漳河口等處以上河道積淤或數里或數十里至百里不等若不一律開疏則去路不能通暢隄脗仍虞壅潰此各州縣應堵應疏之情形也惟是應堵應疏之處工程大小不一臣擇其最關緊要而易爲力者如天門漢川所屬之牛蹄支河積淤三十餘里漢川所屬之垸隄三百餘丈沔陽所屬之各隄缺口二百餘丈及支河缺口十餘處潛江京山所屬之楊湖垸方家拐聶家灘三處頂衝危險及雲夢所屬之陳袁潰口先後札飭藩司籌款共提銀

荊州萬城隄志

卷末

志餘

疏築備攷下

十

二萬二千九百二十餘兩發給委員協同地方官趕緊挑挖修築完竣聊濟目前之急其餘工巨費繁現當大雨時行江漢水漲之時難以施工必俟秋後水落方可丈量估計且積滂積淤之區有廣狹淺深之不同尤宜逐漸疏消堵築分別次第辦理斷非一年所能蕝事惟擬福田新隄二閘必須預先採辦石料乘此水漲時運至工所俟秋冬集匠建立業經遴委專員承辦以專責成並飭藩司酌發銀兩以便辦運此又臣於親勘時權其緩急分別辦理之情形也臣回省後復與撫臣章煦悉心籌商湖北各垸田被江漢水害或已經二十年或十餘年及數年

不等各農民困苦已極必須遴委廉幹多員會同地方官於秋冬分別各段丈量確估實心實力趕緊妥辦並選派道員總理其事俟工程報竣臣與撫臣親往分途驗收務期工歸實用費不虛糜俾災黎咸登衽席倘查有減工剋料情弊卽行奏參嚴辦以爲玩視民瘼者戒至江漢二水出入支河港汊今昔情形不同必須度其東塲西漲之高低以爲應堵應疏之準則如有應行開挖之處或係民田則估定價值發給業主另買以昭公允且將來堵濬之後涸出田畝必多仍照額徵收錢糧倘有實在形如釜底無法疏消不能涸出並被沙壓及隄垸不能耕種

荊州萬城隄志

卷末

志餘

疏築備攷下

士

者卽委員查明頃畝錢糧確數奏請減豁以省有名無實之催科惟現在未及施工田畝尙沉水底小民失業多年賦無所出應懇 天恩暫行緩徵以紓民力俟涸出田畝有收再行分

年帶徵至各衛所軍田坐落各州縣境內亦有被淹頃畝應請歸案畫一辦理俾免向隅此又體卹目前窮民之事宜也再臣於途次接據鍾祥江陵荊門潛江四州縣士民等呈請開疏鍾祥縣所屬之鐵牛關獅子口等處古河以分漢水之勢又據天門縣士民呈請堵塞天門縣所屬之牛蹄支河口門俾口內隄垸不至漫潰各等情臣順道親赴各該處上下履勘查得鐵牛

關獅子口等古河均在漢水北岸原通鍾祥縣境鐵線溝永隆河及天門縣城河出漢川縣澗口仍與漢水合流至漢口入江自前明築隄堵塞以來迄今數百隄外河身日漸淤高隄內田塍頗多低矮若如所請開疏不獨道路綿長數百餘里工程浩大並有礙於城池田廬卽就水勢而論鍾祥地處上游固無浸淹大患而橫溢者爲京山直注者爲天門潴聚者爲漢川以及應城雲夢等縣必皆受其波及之害是欲分漢水以固隄工轉先引漢水以灌隄內也該士民等或籍隸上游或託業南岸惟願開疏古河則漢水北注可免漫淹彼處田畝之虞並省歲修

荊州萬城隄志

卷末

志餘

疏築備攷下

十三

隄塍之費全不顧及北岸下游之天門漢川等縣爲澤國所請實不可行至天門縣所屬之牛蹄支河原以分漢水之勢今若遽塞其口使漢水無從消納必致漫潰正河之大隄查天門從前連年被淹者由於鍾祥隄工屢潰而非牛蹄支河不塞之故今鍾祥隄工潰口業已一律修築堅實卽牛蹄支河淤淺處現亦動項開疏是害已去而利可興乃該士民等反以堵塞支河爲請其意不過一經堵塞口門可省培修支河圯隄之費並不念及正河大隄壅決之害所謂因噎廢食亦不可行總之該士民等請開請堵之處皆在漢水北岸而其事有適相左者由於

心存私見昧於大局惟知利己不顧壑鄰設非詳查確勘通盤籌畫必致爲其所誤除明白批駁毋許率逞私見私議致碍全局外合併奏明

廬制軍坤請調水利幹員來楚修防疏○竊查湖北地方襟江帶湖素稱澤國民生所重在於隄防然必水道疏通無所阻遏俾縱橫暢遂順其就下之性始無激流壅潰之慮臣等查明通省官修隄工只有數處其餘皆應官督民修向來按糧起派夫胥保正勾串董事爲奸積弊多端諳飭各屬認真經理務除積習并因各處通江支河近多淤塞低鄉積水難消委員分頭履

荊州萬城隄志

卷末

志餘

疏架備攷下

三

勘期於秋冬水涸確估工需籌疏利導臣盧坤於敬陳辦理地方大概情形曾經聲明具奏欽奉 硃批汝與楊 均係朕

慎簡之人畀以封疆重任望成治理務要和衷共濟隨時隨事認真經理破除一切積習毋避嫌怨爲 國宣猷勉之又勉以副朕望欽此臣等跪聆 聖訓策勉備至感激悚惶莫可言

喻敢不矢竭血誠協恭黽勉圖効涓埃夫治非一端而其要尤在委賢能爲地方興利除害湖北荊州安陸漢陽等屬頻年困於水患不但大水爲災卽常年汎漲亦易受淹臣等前委候補知府鄭紹裘黃州通判周存義分赴荆漢沿江履勘水道通塞

採訪輿論究其病源據覆情形在昔江面寬濶支河深通漲水容納易消濱江州縣少有水患邇因上游秦蜀各處墾山民人日眾土石掘鬆山水沖卸溜挾沙行以致江河中流多生淤洲民人囿於私見復多挽築隄垸占礙水道而濱江之江陵公安監利下至沔陽漢川漢陽界在江漢兩水之間以及濱漢之鍾祥京山潛江天門暨荆門直隸州向日通流支河水口近復處處淤塞每遇大雨時行汎水漲發上有建瓴之勢下有倒灌之虞常致激流泛濫其民修隄岸率多單薄一處潰口卽數處帶淹一經漫淹河高垸低水無可洩糧田沉水不下數十百垸雖

荊州萬城隄志

卷末

志餘

疏築備攷下

古

有監利福田寺孟蘭淵螺山窖及沔陽之新隄先後建有洩水閘座但福田新隄兩閘建自嘉慶十四年從前洩水本暢曾經洄復有效近因年久損壞不能暢宣其孟蘭淵等兩閘外灘淤高亦難洩水是濱臨江漢各屬歲有偏災此所勘頻年致患之緣由也臣盧坤前於五月初間馳往荊州驗收隄工正擬順道覆查回省與臣楊均會商妥籌疏築之方並思得一熟悉水利幹員總理其事詎旋值連旬大雨江流異漲一片汪洋無從察看除江陵縣萬城沙市等隄及公安監利借帑新修隄工均幸修防穩固外其適當洞庭湖水及江漢頂沖各屬民修隄

皖多遭潰漫前於回省時卽經奏明在案此次大水之後其幹
流支河淤沙坍漲及隄塍殘缺皖田積澇之處必與前勘情形
更有不同現過霜降水勢可期日退伏思邇年每逢盛漲輒遭
水患幾無虛歲一經上請仰蒙 聖慈蠲緩撫卹無不立沛

恩膏惟思田廬常被淹漫糧賦屢致虛懸於 國計民生殊
有關係且民無恆業卽難保有恆心積患不除難圖生聚可慮
者大雖核計疏消堵築工鉅費繁然民瘼所關 臣等身膺疆寄
渥受 重恩自當盡心設處勤謀幹濟斷不容畏難苟安溯

查嘉慶年間前督 汪志伊任內辦理疏河建閘曾經商捐岸

荆州萬城隄志

卷末

志餘

疏築備攷下

五

費五十萬兩先由藩庫撥項借辦分年收捐還款道光五年前
督 臣李鴻賓任內奏疏漢水支河亦用官紳民商合捐十三萬
餘兩又查江浙兩省興辦民修水利毋論同府隔屬凡于利害
相共之區田多大戶合計糧賦攤派輸費蓋疆域相聯幹河支
港本關一氣利均害共若拘於一隅則積淹貧民自不堪驅策
如通力合作則眾擎易舉何患難圖要在得人而理自可有條
不紊 臣等連日熟商如荆州安陸漢陽荆門等屬皆係濱臨江
漢實屬利害相共如剔除田少貧民合三郡一州所屬田多合
力按糧積費再加以官商量捐湊濟酌分工程緩急寬以歲月

次第興舉未始不可圖厥成功至現在岸商情形雖今非昔比而浮費節省鹽務亦有起色商力自可漸裕伊等託業於此爲地方興利除害量輸津貼亦所樂從臣與司道公同計議咸以爲事不可緩且興舉水利亦可以工代賑惟修防事關重大既須遴派委員會同有司分頭勘估亦賴諳悉水利大員相度綜理現在湖北司道大員均有督辦災賑重務及現任應辦事宜所有總理修防水利需才協助惟查有原署兩淮運司王鳳生前經臣盧坤咨准兩江督臣陶澍奏派來楚會辦岸務時常接見論及地方利弊甚爲透徹且曾任勘辦江浙水利前任豫

荊州萬城隄志

卷末

志餘 疏築備放下

六

省河道於水利事宜尤爲諳悉廉幹有爲該員因案降調前經奏畱江蘇幫辦鹽務今彼處業已竣事其在楚岸務亦辦竣回江可否仰懇 聖恩俯准調畱楚北總理水利事宜俾臣得收指臂之助

詢制軍 楊中丞覆奏工賑情形疏○竊臣等奉 上諭據御史陳達

吉奏湖北連年被水請開濬支河以工代賑亦屬一舉兩得之計盧坤前在湖廣總督任內是否委員查勘因經費不充未及辦理著諭 尹 吳 體察情形遴委明幹大員相度地勢諮訪輿情清出支河故道倘查明亟應興修卽在該督等前請撥

鄰省銀二十五萬兩內趁此水落歸槽之際擇要興工以工代賑庶於水利民生兩有裨益該御史原奏著抄給閱看將此各諭令知之欽此臣等伏查築隄防川原係治水下策况近年汎水盛漲往往漫過隄頂是築隄防川不足恃必宜力求宣導之方使水勢曲折滌洄免致奔騰爲患惟自漢陽以下江漢滙流東注向無支河分洩又非堅築隄防不足以資抵禦案查前督臣盧坤曾於道光十一年三月間委員查明濱臨大江公安江陵監利三縣有應挑河道可消境內積水因需費浩繁未經定議適是年五六月間江水過大漫潰隄塍多處民力未逮奏請

荊州萬城隄志

卷末

志餘

疏築備攷下

七

借項修復先固隄防不能兼議挑河本年夏間臣訥曾於閱兵之便在荊州府與地方各官講求水利訪查志乘所在九穴十三口惟南岸虎渡口支河尙在自江陵至公安縣境又分三支由湖南安鄉華容等處達於洞庭卽在前督臣盧坤委查河道之內隨督同道府親詣勘明間段淤塞出水不暢因荆江僅賴此一河分洩必須大加挑濬議於秋後估計興工業經附片奏明在案其未能親詣之處通飭確查旋據稟稱江漢支河故道有久經築隄堵截勢難復舊者有已淤成平陸爲民間壅種者有甫於數年前挑挖深通因江流倒灌旋復淤塞者亦

有湖河相連一片汪洋情形莫辨必俟水退方能查勘者茲臣等仰蒙

聖朝指示趁此水落歸槽之際趕緊查辦遵復遴委熟悉水利河工之候補知府鄭紹裘會同各府先將支河故道逐一清出再行相度地勢博採輿情如有亟應興挑而又確有把握不致旋挖旋淤虛糜經費之工卽確加估議由臣等

奏明辦理至本年潰隄各處經臣等先後奏聞亦必須早

爲修復現據各該道府勘明黃梅縣涼亭口等處江隄間段潰塌十九處湊長一千九百二十餘丈半係道光十一年借項修築之工未逾固限應照前督臣盧坤等奏定章程令原修之前

荊州萬城隄志

卷末

志餘 疏築備攷下

六

署知縣鄧蘭薰及接防之現任知縣楊翊清按三七分賠夫工銀兩趕緊修復又江陵縣白廟兒挽築月隄係旣修復潰之工前已奏明著落現署知縣劉本澄賠修現據稟報開工又安

陸府屬之京山縣呂家潭潰口三百餘丈頂衝險要最爲吃重係屢築屢開之工應現任知縣張觀國及前署知縣胡楷分賠修復已責成署事知府成善督催趕辦又鍾祥縣董家壩漫潰老隄一段原有籌備息銀可支惟該縣紳民現以潰決處所適當鐵牛關舊河故道等詞呈請停築疏河使漢水田三台湖分洩以減全河水勢已委員會同地方官前往查勘如能就缺口

疏通實與下游無碍卽當 奏請興挑以順輿情又沔陽天門

潛江三州縣境內漫缺襄隄垸統計丈尺尙屬無多均應官督民修已催令集夫開工其餘各屬臨江隄塍多有冲刷殘缺且江底日漸淤高通隄愈形低矮已諄飭地方官週歷勘估務照舊隄丈尺格外加高培厚所需修費或動支本工籌備銀兩或按糧勻派夫土各就地方情形悉照舊章辦理至黃梅京山潰口實緣汎水驟至猝漫隄頂設彼時旋遭漫溢尙不至於潰塌成缺與原築不堅致被沖決者有間現既責令先行賠築果能趕辦完固應請免其叅處臣等仍核計工程大小定以嚴限

判州萬城隄志

卷末

志餘

疏築備攷下

九

飭令各道府親身查催如果辦理認真而經費實有不足者無論官賠民修之工俱准其據實稟報於捐備隄河工銀兩內酌發接濟統限於來年春汎以前一律完工以資捍禦其虎渡支河淤塞工段亦已委員確估所需挑工銀兩俟估定覆到後亦於捐備項下支給興挑臣等前此請撥鄰省餉銀二十五萬兩除發給被水成災各屬搭放撫卹加賑糧口外約可餘賸銀十萬兩有奇查現已勘定應修應挑隄河工程業經分別籌款著賠均無動支 帑項誠恐未經勘定河工將來尙有所需應請將前項餘銀暫行封貯湖北藩庫如有必應挑濬支河再行

奏請動用如無須挑濬卽行報部備撥

訥制軍
尹中丞

覆奏疏築情形疏○竊臣等奉

上諭據御史陳達

吉奏湖北連年被水以疏通支河爲要而隄防次之近日支河淤塞諸河受水之區其洲渚亦多被民間侵占以致水無所容江水橫決爲災請疏江水支河使南滙於洞庭湖疏漢水支河使北滙於三台等湖疏江漢支河使分於雲夢七澤之間隄防自可漸固水患亦可稍息等語著訥 尹 吳 體查情形遴委明幹大員相度地勢諮訪輿情清出支河故道倘查明亟應興修卽在該督等前請撥鄰省二十五萬兩內擇興等因欽此

荊州萬城隄志

卷末

志餘 疏築備攷下

三

當卽欽遵揀委幹員分往查勘並將賑卹餘賸銀十萬餘兩

奏明畱備挑河支用茲據湖南委員岳常澧道馬光瀾督同各

該地方官勘明濱臨洞庭湖之長沙常德澧等府州所屬境內

港汊支河俱屬通順無庸挑挖湖內洲渚亦無被民間增築私

堤占礙水道之處業經湖南撫臣 專摺覆 奏至湖北省江

漢支河已據委員會同各府陸續勘議具覆臣等逐加確核緣

江水自四川岷山發源由宜昌入楚至荊州府始形浩瀚名爲

荆江攷之志乘舊有九穴十三口分消盛漲現查北岸穴口久

經湮沒並無故道可循惟賴萬城大隄逐年加修防護南岸尙

有虎渡調絃兩口年久未挑洩水不暢前以漢商捐項挑挖虎渡口支河於夏汛前趕辦完工經臣訥親詣驗收並勘明石首縣境內調絃口支河間段淤塞須俟本年秋後確估興挑俱已奏明在案其自石首以下千里大江祇有滙聚山泉坡水入江之渠而無分消江水之河無庸籌議疏挑又漢水自陝西蟠冢發源由鄖陽入楚歷襄陽鍾祥等十三州縣至漢口出江名爲襄河查自鍾祥以上兩岸地多高阜不致旁溢爲害以下則地勢低窪全賴隄滕保衛所有鍾祥京山二縣境內河道情形前於御史劉誼奏請建閘疏河案內經臣等遵旨委員

荆州萬城隄志

卷末

志餘

疏築備攷下

三

查勘明確已將不能開疏緣由詳細覆奏茲查潛江縣境內有大圻口支河一道上達田關下通沌口係分洩漢水入江曾於道光五年動項大加挑挖因該處距江口過遠其間湖河交錯港汊紛歧水勢滯澱易於停滯上屆挑浚未久旋即淤塞大半已成平陸是該處支河分消不能得力無庸再議興挑以節糜費又沔陽天門境內有牛蹄支河一道河頭河尾皆在襄河之內現在勘明間有淤墊之處應一律挑挖深通俾可分消盛漲又有通順支河一道係分消漢水由沌口出江其境

內者業經該署州張寶榮首先倡捐並勸民間集費於本年冬

間逐加挑挖惟漢陽縣所轄沌口地方係支河達江隘口近年屢爲江水倒灌積淤深厚必須大加挑挖以上應挑各河現當汎水長發之際難以施工均應俟秋後確估興工挑挖此外並無引漢水入湖之渠卽三台赤野等湖亦斷不能蓄漢水蓋江漢之水本爲諸巨川滙注至漢口會合東流五百餘里始出楚境連年水患頻仍實因來源過旺長速消遲以致江河之淤墊日高動形瀰漫是以加培隄塍較之疏通支河尤爲要緊臣等前此奏懇就近收納捐輸銀兩爲挑修河隄之用欽奉

硃批勅部核議經部臣議以工未估定不便准行應令切實勘

荊州萬城隄志

卷末

志餘

疏築備攷下

三

估分別緩急擇要興修所需工費卽於撫卹餘剩銀兩動支再有不敷或提原本或勸民捐另行妥協籌辦等因 奏准咨行

遵照伏查

臣 訥

前在荊州安陸等府收工之時已督飭濱臨

江漢州縣將上年漫水及頂冲險要各隄勘明存記臣等與藩

司張 通盤籌計已分委幹員會同地方官擇其最爲要緊之

處先築子埝並堆土牛以禦盛漲所需經費銀兩由司籌款飭發不動正項俟秋後查照水痕再行幫培高厚其前存撫卹餘

剩銀一萬一百餘兩遵

旨先儘挑河動支如有盈餘卽請

留作修隄之用仍分案造冊報銷並照部議勸諭民捐酌提原

本妥爲籌辦總期多有一分經費卽多辦一分工程多得一分之益

某侍御條陳江漢修防事宜○一隄工民修舊章宜變通也楚北隄工有官徵土方延訪紳士領修者有民間自爲修理者有官督民修者三者俱不能無弊而惟官督民修之弊爲尤重蓋其例向於每年勘估隄工後應需土方若干卽按照合境糧石分派刷印土單每里擇殷實老成之人由州縣簽爲董事使之按單照糧收土修隄土之多少官估其數而分文不入於庫隄之高厚民任其事而追呼不煩於吏立法未爲不善乃積久弊

荊州萬城隄志

卷末

志餘

疏築備攷下

三

生陋規層出每次簽點董事汛員等恣意需索而尤甚者莫如工房書吏改換另簽有費給發土單有費具認承充有費於是董事等所收土費已盡花散無餘不得已破產傾家以苟求訖事故每逢簽點之時糧少之里糧戶無不視爲畏途其有糧多之里則又有人攢充頂替與工書表裏爲奸甚至工書亦自包攬項充董事深知修隄之害情願以重貲倩其包辦而該書等又可以所收之土費盡供其慾壑每年除挽月外其有舊隄並不加高培厚反將舊土剷削見新藉掩耳目水愈長而愈高隄愈修而愈薄頻年隄工之潰決其弊率由於此是楚北隄防本

以衛本境數十萬之民而先害數百無辜之民及修築單薄不能終事且合數十萬之民而盡害之矣或謂改法不如剔弊不知現在民修百弊叢生矣上有剔之之法下卽有避之之術斷難剔釐淨盡似不若改爲官修以專責成其徵收土方及督率稽查也則歸州縣分段承修也則責之汎員其勘估驗收也則任之道府一年一輪務須親詣工所不得代估至收土方之法應於每年勘估定後實需土方若干仿照錢糧例刷印土券照例定夫價徵收務限十月前一律完竣以便興工或謂州縣徵收土方恐奸胥猾吏不免有浮冒之弊此則全在州縣之查察

荊州萬城隄志

卷末

志餘

疏築備攷下

雷

豈得委胥吏之難防如謂州縣設遇偏災徵收難齊恐致有悞要工不知向來修築亦係照糧派收非另有現款發給况民間自相收取往往難以收齊歸之官徵自不致有拖欠楚北人民無不情願多派土歸之官修得以享安間之利便民而非以病民矣○一宜嚴定考課章程以示勸懲也查河工現例在工人員安瀾則予以超擢潰決則立予嚴譴立法實爲盡善江漢二隄同屬賦命所關似應一律辦理况楚北屢被水災請帑修築之隄已不下數十處而每年所潰決者總係民修之隄並不聞官隄有潰決之事蓋民修之隄汎員及工書等以其並無功過

是以恣意需索而州縣亦以毫無考成漫不經心如此辦理安能保不潰決至官隄則係領項承修有十年保固之責不能不親身駐工層土層砥修築堅實是以從無潰決之患然請項之隄祇有保固並無議敘尙能如此盡心若改爲官修嚴定考課之法知必互相鼓舞畏懼工程定臻穩固應請仿照河工條例於三汛後是否安瀾督修官及承修官如何分別勸懲之處嚴定章程每年由道府核實加結轉報督撫專摺具奏請旨州縣之自顧考成無論已汛員雖屬微末而旣定勸懲章程亦無不愛惜身家奮志向上之理再楚北州縣所管隄工有數

荊州萬城隄志

卷末

志餘

疏築備攷下

三

十里者有百餘里者且有延長至三百餘里者未免有鞭長莫及之慮應請將同知通判等官職列閒曹事務較簡者酌改爲江漢二防廳員所屬州縣中有隄工較長者令其分段管理一切修防事宜及三汛後考課均照州縣之例惟土方仍由州縣徵解如此分任有人而修防愈資得力矣○一防險之法宜豫講也楚北隄工修竣後並不預備土牛一遇水勢泛漲卽須用土搶護而隄內或遇大雨潦水淹漬居多苦於無土可取不得不袖手旁觀以致頻遭潰決又聞有州縣向設圩長按畝派費購辦柴料塘護風浪該汛員等又盡追比人已並未見持一柴

一料上隄夫以單薄之隄值盛漲之時加以風濤鼓盪則防險之法自不可不豫爲講求今旣擬改官徵官修應於每年勘估時卽將土牛一併估計在內每座高二丈底二丈面寬一丈四圍如一相距祇許一丈不得過遠至柴料實爲防險之要物楚北沿江濱漢均多淤洲蘆葦叢生向例所納蘆課甚屬微細不如改徵柴束以濟工用蓋風狂浪湧之時遇有坍塌汕刷處所以新土填上立卽洗刷淨盡惟仿照河工塘風柴埽之法外面以蘆柴扎縛成捆木椿貫插其中務須料埽高過於隄外二尺浪不能上自可免坍塌汕刷之患再楚北州縣所管隄工其延

長者往往數十里孤隄無人烟該汛員等遇何隄有險一時不及得信應請嗣後每三里設立蘆棚一所每棚設隄正一人隄夫一名每棚懸鑼一面卽著保甲長充當每年四月間飭令上隄至霜降後方許歸家晝夜巡防遇有險要處所隄夫卽飛報汛員隄正一面鳴鑼集夫勤則賞惰則罰而防護可以無慮矣○一宜多開支河以洩水勢也江漢二水向有九穴十三口分洩水勢自元明以來湮塞過半名亦多無所考其尙能指名者惟江陵之郝穴虎渡穴石首之調絃穴監利之赤剝穴松滋之采穴潛江之里社穴六穴中亦惟虎渡調絃二穴在江之南岸

尙可分洩江流以達洞庭湖而仍歸於江漢水則向有三台湖
爲瀦蓄之所近亦淤墊難容其圻口一處亦係分洩漢水然不
在九穴十三口之中且其地亦多淤高大汛之時方能灌入由
江陵監利沔陽漢陽以達於江所有各處引水又復節節淤阻
不能暢流反致瀰漫此時若訪求九穴十三口故道而盡復之
毋論工鉅費繁勢有不合且其地人民聚族而居田廬墳墓歷
有年所一旦盡令遷徙愚民安土重遷勢必議爲紛擾似不若
相度情形於內面近隄本有河港者因而開通之原可分洩之
支河如虎渡調絃二穴疏濬之其隄已潰口難以堵築者順勢

荊州萬城隄志

卷末

志餘

疏築備攷下

三

利導之務使水分其勢不得壅遏爲患然後堅築隄塍以資抵
禦蓋治水之法不外宣防二端徒宣而不知防則水有泛溢之
憂徒防而不知宣則川有壅潰之慮二者必不可偏廢也或謂
開疏引河費用不貲此則全在大吏倡率地方官各就所屬如
法確切勘量使百姓曉然知宣洩之利正所以爲隄防之固楚
北紳商富民向稱好義明立優敘章程剴切勸諭當無不踴躍
輸助卽有不敷籌款墊辦 皇上視民如傷諒蒙 俯允
此則一勞永逸之策而江漢可期順軌矣

按此疏剴切指陳確中時弊當於事情一時官吏雖未奉

行然立言者固不僅爲一時計也

張侍御銘謙奏陳隄工積弊疏○竊維南條之水莫大於江自岷山而下歷四川省入湖北荊州府屬兩岸始有隄工北岸則有江陵監利兩縣南岸則有枝江松滋公安石首四縣隄各綿長七百餘里關係湖北湖南兩省軍民田廬工至重也嘉慶年間江身尙爲寬深下流易於消暢修防又皆盡心保護雖間有漫溢堵築不甚費手道光年來江心漸高沙壅成洲挺出江中者大則十數里小則數里兩岸被其抵觸隄工日形險要每值大汛非北岸受衝卽南岸蟄塌甚至南北兩岸同時潰漫年復

荊州萬城隄志

卷末

志餘 疏築備攷下

亥

一年沙墊淤高隄塍愈薄雖非甚漲之年漫潰亦所不免卽如本年六月江水未甚陡漲而南岸之公安石首北岸之江陵監利均以隄潰報災仰蒙 恩施賑緩優渥而地方官吏於隄

工仍無補救若不亟籌修防潰決將無紀極伏思刷沙必需束水束水必須築隄隄堅水無旁溢而正流有力沙泥不能停淤溯查從前治河督 臣 每以添築遙隄拋砌石磯著有成效遙隄者於近岸隄塍陡峻之處退後數里另築一隄近岸之隄偶有滲漏有遙隄以護之可不致漫衍石磯者於流水坐灣之處拋砌碎石使泥沙灌入石罅堅固凝重足以敵其衝激隄身不致

喫重今江隄兩岸險隘林立雖間有月隄而去隄岸甚近不足以緩其勢今欲江隄保固計惟有倣照河防興修遙隄石磯以禦頂衝應請

旨飭下該督撫專委練習隄工賢員率同有隄各州縣逐細踏看分擇險要次第興修庶隄塍可保而民免水患矣至江隄土方多係民間按畝攤派此次另添新工自需多派土方民力恐有不齊但地方殷實之家州縣官若能開誠告諭民間知有利賴亦必樂於勸修以成公舉卽積歉之區力難勉強該督撫或於該省閒款內酌量借動令受益州縣分年攤征還款亦可通融辦理且此次擇要先修不必同時並舉錢

荊州萬城隄志

卷末

志餘

疏築世門攷下

完

糧當不甚浩繁該督籌畫國計民生不得因小費而貽大害也至漢水自陝西漢中而下入湖北襄陽安陸等府亦有隄工關係數十州縣現今八月內湖北漢川縣稟報襄水陡漲潰漫該縣之支河彭公垸口寬一百三十餘丈經該督撫將該縣指叅在案其水勢大概與江水相仿並請

飭下該督撫一體委

勘興築實爲地方要務

按此疏有積弊三條皆係陳言故不具錄

陳京兆寶禾奏陳頻年江患疏○竊臣籍隸浙西去大江不過五六百里深知近年東南所以屢受水患者非江水年盛一年

卽謂雨水過多以致江漲異常亦偶有之事不應年年如是也其弊蓋在於江之下流積沙成灘者歲增數十區而沙聚日增之故半由湖廣等處無業貧民私墾山田每將所掘細碎沙石拋擲江干或爲雨水所冲刷或爲潮汛所飄動暫擁江心閱時旣久沮洳成洲高出江面下游蘇松居民又以洲田易植芟蘆稅輕利重往往據爲己有藉以謀生小則數十里大或有百餘里與水爭地無惑乎水之泛溢而爲害也倘僅籌護已掩之土田修築已潰之隄堰目前固可無慮伏秋汛至仍恐又如往歲竟成巨浸臣愚以爲及此江水未發時欽派一二臣工如

荊州萬城隄志

卷末

志餘

疏築備下

三

明永樂年間夏原吉袁復故事乘駕小舟順流上下體察通江情形訪問濱江父老孰爲舊有之沙灘孰爲新增之葦場灘形已成應如何開鑿沙勢將聚應如何疏通容水滙江處所應如何引而聚之俾得蓄水力以去沙由大江出海口門應如何疏而廣之俾得洩洪流以平水性繪圖貼說恭呈御覽或竟交閱視之人辦理抑或分交各該督撫細估工費量役丁力委婉開導附近居民不得爭此些須之利以致歲受浸淹之災並嚴禁江廣游民不准於逼江左右拋棄沙石庶江流順軌而水患可以永息惟時經費支絀豈宜驟興工役然國家財賦半

出東南頻年爲水所困漕運大減兼以賑濟動需百萬何如未雨綢繆爲此一勞永逸之計也臣又伏查向來興修水利往往

先借帑金分年於受益民田攤徵歸款此項工程並非聚於

一省果能相其緩急次第施工經費尙不難於籌畫將來於受

益民田分作數年攤歸民力既不致拮据而享其利者無窮矣

按此論未甚暢快有似專爲江浙言者總之迂濶難行耳

龔制軍駱中丞覆奏湖廣水道疏○竊准工部咨奉 上諭順天府

府丞陳寶禾奏東南頻遭水患由長江下流積沙漲溢請及時

疏治一摺著兩江湖廣總督安徽江蘇浙江江西巡撫悉心體

荆州萬城隍志 卷末 志餘 疏築備致下 三

察妥籌會議具奏等因欽此當經前督臣裕泰分別咨行欽遵

查辦去後茲據湖南湖北藩司轉據各府州縣詳加確勘稟

覆江湖各處均無新漲沙洲築圍築隄阻塞水道惟支河港汊

間有淤積之處隨時督屬設法挖疏等情核議詳請覆奏前來

臣查湖廣地方素稱澤國湖南上承黔粵諸山之水滙歸洞庭

湖入江湖北則有江漢二水爲川陝豫三省中 江皖等省

達海洞庭入江口門約寬數十里江漢亦寬七八里至二三里

不等其間舊有老洲廣袤延長皆急溜漩結而成沙磧堅凝非

人力所能刨挖且東坍則西漲此長則彼消水性使然人謀難

勝卽如荊州萬城隄外江心有窖金洲乾隆年間曾經奏明在
於北岸增築楊林嘴石磯冀挑溜以攻洲禁種植而待塌至今
洲沙愈多是其明驗臣到楚雖尙未久第核閱案卷採訪輿評
自道光辛卯年湖北大水成災後此間歲有之迨至二十八九
兩年則爲患更甚或謂川陝等省山民生齒漸盛墾種漸繁以
致沙泥碎石沖入江河遂有淤墊之語不知江畔老洲自古以
來卽有其說似不足憑若謂江流之停滯係由隄圍逼束所致
則隄潰以後渙漫橫流水勢亦未見消滅蓋緣江漢洞庭上游
皆山山中不無藏蛟之區一交夏令或蛟水陡發或霖雨過多

荊州萬城隄志

卷末

志餘

疏築備放下

三

萬壑奔濤悉歸長江高逾數丈滙趨東下全賴海能容納則易
消如二十八九兩年非特湖廣水勢汎濫而安徽江浙等省莫
不同時並漲停滯兩閱月始得漸消良由海潮頂托之故不盡
因沙洲阻遏惟是沙洲少占一分之地卽可多容一分之水湖
北江漢一帶淤生洲灘曾於道光十二年經前撫臣奏明已升
科者毋許挽築私垵亦不准以子母相生影射再報及私行占
墾其報塌者勘明只予豁糧不得撥補洲地藉以杜私墾而暢
江流洵爲良法臣謬膺曁寄惟當督飭各屬認真稽查凡濱江
傍湖之處尙有淤生洲灘民間挽築私垵及開墾種植等事卽

行嚴拏懲辦如老洲坍塌勘實亦卽奏明豁糧以昭平允此外支河港汊如有淤積段落隨時設法疏濬庶江河脈絡貫通不致壅滯並令於深山遐谷遍加察看倘有藏蛟形跡卽按照成法挖掘以除其害水利爲農田 國賦所繫斷不敢畏難苟安稍涉膜視以仰副 聖主軫念民依之至意

阮侍御壽松請籌款修隄疏○竊維東南數省爲 國家財賦之區而地勢卑下與西北迥殊一遇水災遂成巨浸所恃沿江濱湖地方向有官隄民圩保障農田藉紓水患是圩隄之設原爲民食之攸關卽 國課所從出也軍興以來官隄固漸就傾

荊州萬城隄志

卷末

志餘 疏築備攷下

三

圯民圩亦多未補修以致偶逢盛漲千百里膏腴盡爲澤國或耕種無所徒嘆望洋或收穫垂成遽遭漂沒往往有普天豐稔而一隅獨訝奇荒本係有年而霎時轉成歉歲者一經疆臣入告或蠲或緩無不立奉 恩旨所以拯濟而撫恤之者固已無微不至臣愚以爲與其後事補救曷若先事綢繆所有濱臨江湖之湖廣江西等省原有之官隄民圩亟應一律興修以資捍禦惟現值兵燹之後所需經費勢難動用正供而小民戶鮮蓋藏勸捐又難集事查各該省釐稅尙未裁撤每省歲入多者百餘萬少亦數十萬此項銀錢雖藉以接濟軍餉而各省修理

城池衙署廟宇等工亦往往提用此款况圩隄保衛糧田 國
計民生所關甚大擬請 飭下湖廣江西各督撫遴委賢員
協同州縣迅將原有之官隄民圩逐加勘估分別工程大小酌
提釐稅責成各該地方官及委員等認真經理次第修築或避
險就夷量移要地或加高培厚使復舊規務令工歸實用費不
虛糜化澤國爲糧田變瘠區爲沃土不獨有裨於農政亦有益
於倉儲矣 同治

荊州萬城隄志

卷末

志餘

疏築備攷下

善

叅訂姓氏

大冶朱德根 菜香

會稽施山 壽伯

南海謝朝徵 耦樵

望江龍汝誠 叔方

玉田周熙雍 小竹

劍州楊正榮 華軒

望江倪文英 榮甫

望江倪世溥 博夫

荊州萬城隄志

卷末

荊州萬城隄志題詞

南海謝朝徵

岷山導江東爲沱出峽浩浩揚洪波自從疏鑿跡茫昧郡
邑遂莫如江何金隄剏築桓宣武緣江壁土崇坡陀今之
萬城無乃是蜿蜒西始靈溪阿歷代防江甚防寇增築設
守無偏頗屢聞備禦或怠懈城頭白日遊鼉鼉豈無良法
足龜鑑掌故散佚誰蒐羅荊州太守安且和羔羊之裘絲
五純精誠直可貫金石胸腹橫去聲欲吞江河三年坐鎮憂
饑溺波臣却步騰輿歌功成臚列督防事要與後輩資研
摩鈎元摘要竟原委點竄百氏同一科目三十六綱十二

荊州萬城隄志

卷末

題詞

一

條理井井觀掌螺專門足補楚史缺博考肯讓桑經過擬
刊萬本傳萬世盤石鞏固同不磨磐石鞏固同不磨嘉惠
萬姓何其多

會稽施山

江漲從西極奔騰萬里流長驅下夔峽全力注荊州風俗
隄防舊乾坤日夜浮有人扶砥柱夙昔習陽侯獨具廻瀾
手全勞畫箸籌衡量凌百雉鬱屈偃長蚪古澤曾茫昧前
賢用隱憂溯從宣武建隄爲桓宣武剏築更遞宋元修
聖代求民瘼江防重上游名臣持使節列郡得田疇版策凋荒

後風濤瀕洞尤百年尋舊績自阿文成公督修已八十餘年萬并仰宏庥

接壤當陽縣憑闕雄楚樓煙荒漁埠口沙擁黑窰頭老壩

千盤石危磯百丈湫望洋增感歎未雨切綢繆磬鼓雷霆

急嚴城歲月周恠姦窮匠石白黑鑿離婁已是鋤殘蠹猶

能絕巧偷石磯更古製水障剗神謀波浪迴羣馬邱山重

萬牛經營崇百堵層疊變三收公裁煙夫以除民害作圓磯以杜奸偷製水障以敵

急溜並改土牛作綿長形臨事便於畚取事後即以培隄又增高隄埂數十里改二五收為三收尤資鞏固皆紀實也

真宰天應泣神靈感有由龍鼉爭入海岡阜屹凌秋洄

洑凝黃潦長隄穩白鷗沮漳同底定冠蓋得夷猶何地非

荊州萬城隄志 卷末

題詞 二

仁宅由來仗德輔豈惟勞版築所在動歌謳愷惻哀鰥寡

童蒙與講求庇寒開廣廈利涉見橫舟公已倡捐俸錢將建清節堂以恤窮

嫠又於義塾及救生船各事皆切實經畫才略陶桓外文章賈董儔琳琅紬石

室浩蕩奠金甌卽事多旁觸竒書赴大蒐南條如指掌東

觀互仇讎祇是靈犀照恒教罔象愁痼瘵心未已康濟道

何優澤國從高枕斯文重貢球至誠追鄭趙宋鄭解明趙賢皆官荊州

以治隄聞前輩失王劉明宏治間郎中王瓊撰漕河圖志嘉靖間侍郎劉天和撰問水集此書體例頗

與相合且史稱瓊治河三年臚其事為志繼任者案稽之不爽毫髮公守荊州亦以三年而自序有舊政必告之語

尤為符古有河渠志宋史河渠志修築今成粹白表叢編合云江陵隄凡再見

補禱枕吾道在滄洲

荊州萬城隍志

卷末題詞

三

